

# Roma

## *Pauloac yaizéé ac.*

<sup>1</sup> Kristo Yesuac welen qeqe icya,\* ni Paulo imi, Anutuac buña suruc hiabiawac méliméli ic wammañ niñac nuruma gésinéjec.

<sup>2</sup> Buña suruc hiabia imi, Anutunéñ kua meme ichéra kuagina mema eñeya naña niñac i ménda hicñiyecnec kiwi téréyaiguc sisipac ac wañ nénécmiyec imuac héla wanzac.

<sup>3</sup> Naña imi mia baec séwiiguc Dawidiac qeli wamma hicñiyec.

<sup>4</sup> Wañu téré Uñayaiguc† imi humuc ic suggina igucnec muñguc qelima yarec. Yaru imuac kuhanéñ énézéyu hémma Anutuac naña wanzac imi ninzéñgé migic. Imi mia Kristo Yesu.

<sup>5</sup> Iwac murunec neñañ goi héihéi zéma Yesuac Méliméli icac ai buña mema iwac qac buña niñac ic enia ionac sugginaiguc ai meni ninzéñgéma niñtoho wañanzu.

<sup>6</sup> Ini acguc ionac suggina igucnec Yesuac buñawac unuru énécmimia.

<sup>7</sup> Roma ama areña yandaiguc Anutuac niñsoroc héra, héihéré énécmimia, zéma météré énécmimia, moczoñ yanda onac muru; Anutu Mañgocnina zéma Miñ Kewunina Yesu Kristo iorac murunec ewa hia zéma luaenéñ he énécmimac.

---

\* **1:1:** Girik aciguc; dulos, ic imi miñinanéñ boña meyu eñeya kuc buña méñ ménda késa kecma miñinawac ara sac tohoma kecañec.

† **1:4:** Uña Téréya.

*Paulonéj Roma ama areña yandaiguc kem-  
mañac zé niñec.*

<sup>8</sup> Walac imi ninzén ninzén ginawac surucyanén baec séc saima kenzac imuac buña nimma Yesu Kristoac qaraiguc ni Anutuna ewa hia ac ézézua.

<sup>9</sup> Nañawac buña suruc hiabia imuac qeriaiguc qeri uñananén welen qemianzua Anutu inén mia acna yomuac héipuc wanzac. Ni zéwelec wañanzua séc ménda misimanec onac qacgina olomma zéanzua.

<sup>10</sup> Wañu deguc tetcgiaiguc Anutuac ewa siñ heyu onac muru hahayawac héna imi méñac mén mewérenge némmac niñac nalé séc zéwelecanzua.

<sup>11</sup> Inicmañ niñ wañanzua imuac hénia imi qeri uñawac sese téreya mén ewa hiawac énécmima ewa qerigina meseli énécmimañ niñac imuhuc wañanzua.

<sup>12</sup> Imuhuc wamma sugginaiguc kecma neñañ ninzén ninzén ninanéj meseli amuwij niñac.

<sup>13</sup> Dacmuna hécna, ni hatac sasala onac muru hamañ zé wañi imi ini ménda nimmanec kecmu niñac ménda wanzua. Imi mia ic enia ionac sugginaiguc hicñianzac éséc nec onac sugginaiguc imuhucyanec héla mihicñimañ niñac wañanzua hénia imuac mia. Wañu suraiguc héna mén ménda béréngé néñanzac.

<sup>14</sup> Ni imi Girik ac zézé ic zéma tosara, niniñginaguc zéma niniñgina qahac momac yanda, buña suruc hiabia énézemañac taséna henénzac.

<sup>15</sup> Hénia imuac niñac ni Roma baeciguc keczu onac muru acguc buña suruc hiabia zéau énécmimañ niñac siña kunej yanda henénzac.

*Buņa suruc hiabia imi Miņ  
Kewuac kuha.*

<sup>16</sup> Buņa suruc hiabia imi mia Anutuac kuha, ninzēņ ninzēņ ic aņģēņ tiénéc mimiawac buņa. Walac imi Yuda ic ionac, duņa imuhucyanec Girik ic ionac, imuac niņ ni imuac gamuna ménda niņanzua,

<sup>17</sup> Ic solaņa imi ninzēņ ninzēņanēņ kekecyaguc kecaņzac kiwi imuhuc ooyawac hezac séc,<sup>☆</sup> buņa suruc hiabiaiguc imi Anutuac haka solaņanēņ winiņu hicņima hezac. Héna mēņ igucnec qahac nēņ ninzēņ ninzēņ igucnec hénima kemma ninzēņ ninzēņiguc keņkecni solaņa zénénéc mima.

*Ic embac ieneņ Anutugina andé qema sinjiyanda qeriaiguc kereņģic.*

<sup>18</sup> Haka birianēņ ackuazéc héla hédacgéanzu ionac haka eeya qahac hénia hénia zéma haka biria hénia hénia niņac Anutuac qeri gericnēņ kurumeņ igucnec wininianzac.

<sup>19</sup> Anutunēņ eņeya hénia mewinini énécmiyec imuac niņac Anutuac hénia ya hia nimmuac séc wanzac imi winiņu hezac.

<sup>20</sup> Baec kurumeņ hicņiyecnec Anutuac kuha hémbénaņa zéma iwac hénia saņa iminēņ iwawai zéyu hicņiyec imuaru solaņanec wininiyu hémma niņasariwiņac séc, imuac niņac ic embac imi eneņ héikeņzé héihazé wammuac séc qahac.

<sup>21</sup> Anutuac hénia niņteģicmaguc kileņ eeya ménda héimima ewa hia ac ménda zémima nówécgeņa niniņģinanēņ nimma nimbipigic héla

---

<sup>☆</sup> **1:17:** Hab 2:4

qahac waŋu, siŋi tunumaŋnénj ewa qerigina sécgé énécmiyec.

<sup>22</sup> Waŋu eŋaocnec niŋtegić qin̄tegić ninaguc zégić, nénj ewa soho ic waŋgić.

<sup>23</sup> Imuhuc wamma Anutuac edamuya ménda houhouya imi melemma méraginánénj megić, ic me, yaŋ qesi me, nei me, mokolenj houhouya ionac irecgina tanec waŋec.

*Ic ienenj Anutu andé qema haka ménda wawaŋa imi waŋgić.*

<sup>24</sup> Imuac niŋac Anutunénj kaiseroac siŋ biria zéma kaiseroac siŋsiŋiguc wai énécmiyu eŋaocnec séwigina mebiri amudacgić.

<sup>25</sup> Imi mia ienenj Anutuac ackuazéc héla imi melenjgić ikora wandaru, kekeć Miŋina imi andé qemima iwawai zéyu hicŋigic imuac mia siggé énécmima mepési énécmigic. Nénj kekeć miŋina iwac muru mepé qepési hehe seli hema emma hemac, hélacnec!

<sup>26</sup> Hénia imuac niŋac Anutunénj wai énécmiyu ewa siŋsiŋ gamuyaguc imuaru kecaŋzu. Imi mia embac hécgina ienenj acguc eu iniŋac haka hezac imi sigima ménda wawaŋaiguc kereŋdacgić.

<sup>27</sup> Ichécgina imuhucyanec ewa siŋsiŋ birianénj geric bélaŋa ésécnec onoyu embac hécginaawac héna imi waima ic eŋaocnec haihaka gamuyaguc wamma tasia wawaŋa meme biria imuac sécyā melenj énécmiyu séwiginaiguc medacgić.

<sup>28</sup> Waŋu ienenj niniŋinaiguc Anutu aŋgénj tiwiŋ niŋac ménda waŋgić. Imuac niŋac Anutunénj ewa sohoginawac wai énécmiyu haka ménda wawaŋa imi waŋgić.

<sup>29</sup> Imi mia kápésic wawaŋ biriŋiria yomuhucya; kaiziliweŋ, hémbaoc, ewa siŋ biria, nimbupuc, unuhumuc, zééŋ zéma, ikoc, manam batuc, kuakisaŋ biria,

<sup>30</sup> andélukuc ac, Anutuac niŋ mézétiti, mema titi, tétéc qeŋe, séwi eŋeŋ, haka biria niŋaren wawaŋa, neŋgoc maŋgocac ac qeŋe,

<sup>31</sup> niŋ sohosohoya, ménzé ménzéya, wésé ninin qahac, goi héihéigina qahac.

<sup>32</sup> Anutunéŋ wawaŋ meme imuhucya wanzu imi humucac buŋa qeénécmiyec imi niŋteŋicmaguc kileŋ eŋacnec sac ménda wamma imuacnec toroŋema alahécgina tosia areŋ imuhucya waŋŋic inicma imi hia zéma héipuc waŋ énécmianzu.

## 2

### *Anutuac gésigési ai imi solan dindiŋa.*

<sup>1</sup> Gi acguc haka imuhucya waŋanŋaŋ imuac niŋac ic méŋac niŋgési mima zézaŋ gésigési acga iminéŋ mia geŋgac kápésicga zéteŋcgezac. Hénia imuac niŋac zégési niŋgési ic gi imi geŋga kápésicga musaŋgémaŋ zé héikenzé héihazé wambésémaŋac séc qahac.

<sup>2</sup> Haka imuhucya waŋanzu ionac muru Anutuac gésigési ai imi ackuazéŋc héla méndacma waŋ énécmianzac imi neŋaŋ ninziŋ.

<sup>3</sup> Ic embac tosara haka imuhucya waŋanzu imi zégési énécmimaguc geŋga acguc haka imuhucya waŋanŋaŋ. O, baec ic gi, geŋ ninna Anutuac gésigési ai imuac hia qiziziŋgéma kembésémaŋac tanec wanzac me?

<sup>4</sup> Imi qahac wanzaciguc, Miñ Kewunéñ gi ewa qeriga melembésémanñ niñac goi héihéi kuaya qeqeya wanğemma qindiñi géñanzac imi ménda niñtegicma goi héihéiya zéma gum bénzénzéña zéma mambéc kekecyia iminéñ sécgégéñu hémma zédesi wammizañ gezañ?

<sup>5</sup> Ewa seliga zéma ewa qeriga ménda melen melenja imi méndacma Anutuac gésigési ai solaña zéma qeri gericya wininimac nalé imuaru qeri gericya imi mihicñimañ zé geñgaocnec metocgona eñanzac me?

<sup>6</sup> Anutunéñ wawañ meme wañanzac imuac séciguc icya icya tasia melen énécmimac.

<sup>7</sup> Nañselima haka hiabia wamma kekec edamuyaguc zéma kekec eebipiyaguc zéma iwawai ménda houhouyawac mihicñiwiñ zé wanzu ionac imi kekec hehe selia énécmimac.

<sup>8</sup> Nécwéçgeña eñañ ewa siñ niñac wamma ackuazéc héla imi andé qema haka biria méndacma wammu ieneñ imi qeri biric zéma niniñ biric mihicñimu.

<sup>9</sup> Icyia icya haka biria wammu séc qeri uñagina imi zéra béra zéma yéwéri ginaguc wammu. Wañu imi mia walac Yuda ic ionac muru, imuacnec baera baera ic embac ionac muru.

<sup>10</sup> Wañu nécwéçgeña icya icya haka hiabia wammu séc imi kekec edamuyaguc zéma kekec eebipiyaguc zéma luaenéñ he énécmimac. Wañu imi mia walac Yuda ic ionac muru, imuacnec baera baera ic embac ionac muru.

<sup>11</sup> Anutuac gésigési imi solaña imuac séwiac wamma kenkésa hakésaya qahac.

<sup>12</sup> ic enia kecma kápésic wanzu ieneñ héna

ac qahac humucac buña wandacmu. Wañu héna acginaguc kápésic wanzu ieneñ héna ac imi méndacma zétecgé énécmimac.

<sup>13</sup> Anutuac kiwaiguc imi héna ac gezacginanéñ sac niñanzu imi onac qahac, néñ héna ac tohoma wañanzu imi onac sac solañ dindiña zé énécmimia wammac.

<sup>14</sup> Ic enia ieneñ Anutuac héna ac ménda nimma eñañ ewa qeriginanéñ qindiñi énécmiyu héna acac séc wanzuiguc imi héna acgina qahac kileñ eñeyaocnec eñañ héna ac ésécnec wamma keczu.

<sup>15</sup> Ic imuhucya ieneñ eñañ ewa qeriginaiguc baecac héna ac ooyawac hezac imi tohoma wañgic kekecginaiguc wininianzac. Wañu eñañ ewa qeriginanéñ aciguc opoc amugic imuhucyanec ac bakia melemma zésolañani amuanzu.

<sup>16</sup> Imi mia, buña suruc hiabia zéau énécmianzua imuaru hezac séc, Anutunéñ Yesu Kristo ézéyu ic embac ionac ewa qeriginaiguc niniñ saña imi gési énécmimac nalé imuaru mia, imuhuc hicñimac.

*Yuda ic zéma héna ac.*

<sup>17</sup> Gi qacga Yuda ic zéamuma héna ac imuaru héima namma Anutuac qeriaiguc séwi eñeñ wamma

<sup>18</sup> héna acnéñ pakenñ ac ku énécmiyu Anutuac ewa siñ niñtegicma imuac niñgic, séc mén eñeña wañanzac.

<sup>19</sup> Wañu imuhuc wamma genğa niñac yomuhuc efima zéanzañ; Ni kic hilic onac galengina, siñiguc keczu ionac kifagina,

<sup>20</sup> ewa soho ic ionac mindi qindiñi ic, nambérac ionac kiwi ic wanzua. Niniñ zéma ackuazéc

héla héná aciguc hezac imi tanecgira hénia hénia nuaru hedaczac.

<sup>21</sup> Imuhuc zéma tosara ku énécmima kileŋ geŋga imi ménda kuamuanzaŋ me? Kowu nene ménda wammu zéma zéau énécmima geŋgaoc kowu neanzaŋ me?

<sup>22</sup> Kaisero ménda wammu zéma geŋga kaisero waŋanzaŋ me? Nemu irecya surema imuac oc-muŋiguc iwawai haigic heyu kowu meanzaŋ me?

<sup>23</sup> Héná acac séwi eŋeŋ wamma geŋgaoc mia héná ac imi logima Anutu gamu qeŋe wammianzaŋ me?

<sup>24</sup> Kiwi ooya hezac séc onac haka biria niŋac Anutuac qara imi ic enia ionac suginaiguc zébiri qébiriyaŋac waŋanzaŋac.

<sup>25</sup> Gi héná ac tohoanzaŋiguc séwiiguc séwi tasé hericheric hakaya imi méra gémmac, néŋ héná ac imi logianzaŋiguc guac séwiiguc séwi tasé hericheric haka imi eŋomia wanzaŋac.

<sup>26</sup> Hénia imuac niŋac imuhucyanec ic mén séwiiguc séwi tasé hericheric ménda waŋec inéŋ héná ac tohoanzaciguc séwiiguc séwi tasé heric herira qahac néŋ iwac niŋgic séwi tasé heric heriraguc éséc ménda wammac me?

<sup>27</sup> Séwiiguc séwi tasé heric herira qahac ménéŋ héná ac imi solaŋanec tohomaciguc inéŋ héná ac ooyaginaguc zéma séwiiguc séwi tasé heric hericginaguc wamma héná ac logianzaŋu ini ménda zégési énécmimac me?

<sup>28</sup> Hénia imuac niŋac séwiiguc Yuda ic imi Yuda ic héla qahac, waŋu imuhucyanec séwiiguc séwi tasé hericheric imi séwi tasé hericheric héla qa-



hac.

<sup>29</sup> Imuac niḡac ewa qeriiguc Yuda ic kekera iminéḡ mia Yuda ic héla wanzac. Waḡu séwi tasé hericheric imi qeri uḡaiguc heheya, néḡ kiwi kicninanéḡ hémbiḡac séc imuaru ménda heheya. Waḡu mepé qepési imi baec ic onarunec qahac, néḡ Anutu arunec. Imuac niḡac séwi tasé herichericgina imi ewa qeriginaiguc memu.

### 3

*Anutuac haka imi ménzézé  
ménzézéya qahac.*

<sup>1</sup> Hénia imi imuhuc waḡu, némac nanaḡiguc Yuda ic wamma kekera iminéḡ héla wanzac? Waḡu némac nanaḡiguc séwiiguc asé kiwi mema kekera iminéḡ eeyaguc wanzac?

<sup>2</sup> Hénia hiabia sasala hezac. Walac imi Anutuac ackuazéc imi niḡkumu énécmima méraginaiguc hai énécmiyec imi mia.

<sup>3</sup> Waḡu ic tosianéḡ ménda ninzézḡ gémuiguc dimuhuc wammac? Ewa éréhécginanéḡ Anutuac haka ménzézé ménzézéya qahac imi mesohomac me?

<sup>4</sup> Imuhuc wammacac séc qahac, icya icya ikocginaguc, néḡ Anutu momacguc sac hélacguc wanzac. Imuac mia ac zézéya ménḡ yomuhuc ooyawac hezac; Anutu acga zéna, hélacnec zégéḡḡéḡa wammac. Aciguc gopocgic onog-icbésémaḡac hezac.

<sup>5</sup> Waḡu wawaḡ memenina birianéḡ Anutuac solaḡ dindiḡa mewininimaciguc dimuhuc zéwiḡ? Baec ic hakanina méndacma zéwa niḡgic; Anutunéḡ qeri biric waḡ nénécmiyu qacninaiguc

mayu haka imuac niŋ Anutu imi solan dindiŋa qahac imuhuc zéwiŋac séc wammac me?

<sup>6</sup> Imuhuc qahac téngéŋ! Imuhuc wammaciguc Anutunéŋ baec ic embac dimuhuc gési nénécmimac?

<sup>7</sup> Waŋu ic ménéŋ acna melemman zé qeriyanéŋ yomuhuc sumbuŋ yanda niŋkeczac gezan; Ac ikocna niŋac Anutuac solan kekecyawac niŋgic ou emma edamu yandayaguc waŋu némac niŋac ni késpedesic ic ésécnec zégési némmac?

<sup>8</sup> Imuhuc waŋu iwawai hiabia mihicŋiwiŋ zé haka biria wambiŋ imuhuc hia ménda zéwunec? Ic tosara ieneŋ ac ikoc wamma zégic neneŋ ac imuhucya zéyiŋ tanec wanzac. Ac imuhuya zéanzu imi eneŋ imuac kitiwa mihicŋimuac séc wanzac.

*Ic solanə mén ménda keczac.*

<sup>9</sup> Imuhuc waŋu dimuhuc zéwiŋ? Yuda ic neŋan imi tosia onogicma hiabianec kecanziŋ? Imi qahacgucnec! Bec yomuhuc zétecgéziŋ; Yuda ic me Yuda ic qahac\* imi moczoŋ biriawac méra bawu késpedesic ic keczin.

<sup>10</sup> Ac kiwi mén yomuhuc ooyawac hezac; Ic solan dindiŋa mén ménda keczac.

<sup>11</sup> Ic niŋtegic qinŋtegyaguc imi mén ménda keczac. Waŋu Anutuac hochoc ai wammimia mén ménda keczac.

<sup>12</sup> Momac yanda sigima kemma imuhucyanec enomia wandacgic haka hiabia wawaŋa mén ménda keczac, mén méndagucnec keczac.

---

\* **3:9:** Me Girik ic.

13 Déméngina imi kicsuan suañ qahac ésécnec, wañu ezelañ ginanéñ ac ikoc mihicñima kua taséginaiguc imi qatéac sacmasi biria kisamma kecanzu.

14 Kuaginaiguc imi ac saec zéma ac howuc howucnéñ sécgéma hezac.

15 Wañu hénaginanéñ sac naec énécmiwiñ zé efeñanec wañanzac.

16 Wañu dimia me dimia keñanzu séc kisikiyon qema saohanec waigic heanzac.

17 Wañu ieneñ luaeac hena imi ménda niñtegiczu.

18 Kicginaiguc haka mén wambiñ zé Anutuac niñ bac yandi yandi ménda wañanzu.

19 Neñañ yomuhuc niñanzin; Hena acnéñ ic embac imuac méra bawu keczu séc énézéanzac. Imi mia baec ic eneñ kuagina moczon zikima acgina qaiyu Anutuac gésigési ai imuac bawaiguc nammu niñac.

20 Imuac niñac baec ic ménac mén hena ac niñtoho tohoiguc ic solaña zémimia mén ménda keczac. Hena aciguc imi késpedesicninawac niñtegicanzin imuac mia.

*Yesu ninzéhéni solañ dindiña zénéncmimac.*

21 Wañu deguc imi Anutuac solañ dindiña mén mihicñi nénécmiyecac heyu ninzin. Wañu imi mia hena ac igucnec qahac, néñ hena ac zéma Anutuac tilin tilin ic eneñ héipuc wammimia imuacnec hahaya.

22 Imi mia Anutuac solañ dindiña, ic embac Kristo Yesu ninzéhégic séc ionac mia, ninzéh ninzéh imuacnec, séc momacnec ha énécmimia.

23 Ic embac moczoŋ yanda imi k p s c wandacgic imuac Anutuac edamuyaiguc kereŋ kereŋawac s c qahac wanzac.

24 Waŋu Kristo Yesun j k p s c igucnec hulac n n cmiyu Anutuac ewa hia niŋac boŋtegitic mesolaŋi n n cmimia wanzac.

25 Anutun j eŋeya solaŋ dindiŋa imi mewininiŋa z  nal  horua qeri b nz jiguc kerec. Kecma becne c k p s c wawaŋa imi moczoŋ h mma ogirec. Ogicma sacya ninz jg  mimia ionac Yesu imi mulumananŋ buŋawac kumuyec.†

26 Imi mia gum b nz nz jiguc nal  yomuac eŋeya solaŋ dindiŋa mewininiŋa eŋeyaoc solaŋ dindiŋa wamma, imuhucyanec Yesu ninz jg  mimia m ŋac m ŋ solaŋa z mimaŋ z  imuhuc waŋec.

27 Imuac n mac hianina niŋac s wi eŋeŋ wambiŋ? Imi osiosiya! Waŋu h na dimia, wawaŋ meme ninaiguc me? Imi qahac, ninz j ninz j c h naiguc sac tima kambiŋac hezac.

28 Imuac mia ic m ŋn j h na acac aiiguc qahac, n j ninz j ninz j iguc solaŋa z mimia wammacac hezac imi niŋtegiticziŋ.

29 Anutu imi Yuda ic ionacnec keczac me? Baera baera ic embac ionac Anutu momacnec m nda wanzac me? Owec, ic enia ionac Anutu momacnec wanzac.

30 S wi tas  heric heriraguc imi acguc ninz j ninz j igucnec, s wi tas  heric herira qahac imi imuhucyanec ninz j ninz j igucnec, solaŋa

---

† 3:25: K p s cniŋa bisima humuma Anutuac qeric gericya igucnec metecg  n n cmimac niŋ kumuyec.

zénénécmimac imi mén qahac, nér Anutu mo-  
macguc.

<sup>31</sup> Wañu imuhuc zéma ninzér ninzériguc kecma  
héna ac imi hia auwiñ me? Imi qahac téngér, nér  
héna ac imi meseliwiñac hezac.

## 4

*Abaraham zéma Dawidi i Anutu ninzérigé miyic  
képésicgira waiyec.*

<sup>1</sup> Wañu duña séwiiguc ambéc sakoñnina Abara-  
ham imi némac iwawai mihicñiyec zéwiñ?

<sup>2</sup> Abarahamnér wawañ meme igucnec solaña  
zémimia wañeciguc séwi eñer wammacac séc, nér  
Anutuac wésiaiguc imi imuhuc wammacac séc  
qahac.

<sup>3</sup> Kiwinér dimuhuc zézac? Abarahamnér  
Anutu ninzérigé miyu imuac niñac wamma so-  
laña zémiyec.

<sup>4</sup> Ic ménér ai mema ai boña késayu niñni boña  
imi ewa hiawac buña éséc ménda wanzac, nér  
tasé kuku éséc wanzac.

<sup>5</sup> Ic mén wawañ memeya qahac iminér képésic  
ic solaña zémianzac i ninzérigémaciguc ninzér  
ninzér imuac niñac mia solaña zémimac.

<sup>6</sup> Dawidi imuhucyanec ic mén wawañ memeya  
séha ménda hemizac, nér Anutunér nimmima  
solaña zémiyu ic imi zézé ségiségiyaguc wanzac  
zéma yomuhuc zéyec;

<sup>7</sup> Héna ac logigic képésicgina wai énécmima  
képésicgina hoturu énécmimac imi ségiségi gi-  
naguc.

<sup>8</sup> Miñ Kewuninanéh ic méñac kápésicya ménda olommac imi ségiségiyaguc wammac.

<sup>9</sup> Imuac ségiségi iminéh séwi heric heriraguc iwac muru sac hemac me séwi heric herira qahac iwac muru momacnec hemac? Neñañ imi yomuhuc zéañziñ; Abaraham imi ninzéh ninzéhñ ninñac wamma solaña zémiyec.

<sup>10</sup> Némac nanañguc nañu solaña zémiyec? Séwi tasé heric heriraguc kerec nalé imuaru me séwi tasé heric herira qahac kerec imuaru? Zéwa niñgic, séwi tasé heric heriraguc kerec nalé imuaru qahac, néñ séwi tasé heric herira qahac kerec nalé imuaru mia solaña zémiyec.

<sup>11</sup> Inéh séwi tasé heric herira qahac kerec nalé imuaru ninzéhégéyu solaña zémiyecac solañ dindiña imuac asé kiwiya imi meyec. Imi mia eñeyaoc séwi tasé heric herira qahac kecma ninzéh ninzéh ic moczoñ yanda ionac ambéc sakonñina wañu qelihéra héna imuhucyanec solaña zééncmimac niñac imuhuc wañec.

<sup>12</sup> Wañu inéh imuhuc wamma séwi tasé hericheric haka imuac ambéc sakonñina wañec. Imi mia kecma séwi tasé hericheric memu ionac sac qahac, néñ Abarahamnéh séwi tasé heric herira qahac kerec imuaru ninzéh ninzéh késa kerec imuac héna tima méndacmiziñ neñañ momacnec ambéc sakonñina wammac niñac imuhuc wañec.

<sup>13</sup> Abaraham zéma qelihéra ieneñ baec moczoñ yanda mératéc memu niñac sisipac ac megic. Wañu sisipac ac imi mia héna ac igucnec qahac, néñ ninzéh ninzéhñac solañ dindiña imuarunec.

<sup>14</sup> Ic embac héna ac igucnecnéñ mératéc meme

ic wambunec ninzéh ninzéh imi héla qahac wañu sisipac ac imi auyu qahac wambacnec.

<sup>15</sup> Héna ac niñac wamma qeri gericyanéñ aiyaguc wanzac. Wañu héna ac ménda hezac imuaru héna ac logilogi imuhucyanec ménda hemac.

<sup>16</sup> Imuac niñac mératéc meme ic wawaña imi ewa hiawac buña wammac niñac ninzéh ninzéh méndacma haanzac. Imi mia zikiziki ac imi qelihéra ionac muru meseli énécmimañ niñac imuhuc wañanzac. Wañu imi mia ic embac héna ac igucnec sac qahac, néñ Abarahamac ninzéh ninzéhiguc toro qeçeya imi onac momacnec. Wañu Abaraham imi Anutuac kiwaiguc baec ic momac yanda neñañ ambéc sakoñnina wanzac.

<sup>17</sup> Ac kiwi ménñ imi yomuhuc hezac; Neñ gi ic embac hénia hénia ionac mañgocgina wambésémañ niñac kumugénzua. Wañu Anutu Abarahamnéh ninzéhégé miyec imi yomuhuc; Humuc ic meqelima iwawai ménda kekera imi iwawai kekera igucnec unuruanzac ésécnec unuruyu hicñianzac.

<sup>18</sup> Abarahamnéh héñu mambécma kecmacac séc qahac wañec, néñ kileñ mambécma ninzéhégéyec. Imi mia qelihécga imi yomuhuc wammu zéma ézéyec séc ic embac hénia hénia ionac mañgocgina wammac niñac imuhuc hicñiyec.

<sup>19</sup> Yawuña 100 wañu eñeya séwiya imi humuc tanec wañec. Wañu Sarawac merac gésia imi acguc humuc tanec wañec imi niñtegirec. Wañu ninzéh ninzéhawac kuhanéh ménda mayec.

<sup>20</sup> Wañu ninzéh ninzéhaneñ ménda waimiyu

Anutuac sisipac ac imuac niṅ éréhéc ménda waṅec, néṅ ninzéhṅ ninzéhṅiguc naṅselima Anutu eeya héiyec.

<sup>21</sup> Imuhuc wamma ac zikima ézéyec imi wandacmac ac séc zéma hélacnec ninzéhṅgéyec.

<sup>22</sup> Imuac niṅac ninzéhṅ ninzéhṅ imuac mia solaṅa zémiyec.

<sup>23</sup> Solaṅa zéma nimmiyec ac ooya imi Abaramac niṅacnec sac qahac,

<sup>24</sup> Imi mia solaṅa zé énécmimacac buṅa neṅaṅ zéma Miṅ Kewunina Yesu humuc ic ionarunec meqeliyec Anutu i ninzéhṅgé mimuac heyec neṅaṅ niṅac momacnec imuhuc ooyawac hezac.

<sup>25</sup> Yesu imi késpedesicnina niṅac humuciguc opocopora waṅec. Waṅu imuhucyanec solaṅa zénénécmimac niṅac meqeli miyu yarec.

## 5

*Yesunéhṅ luae mihicṅi nénécmiyec imuac zézé ségiségi wambiṅ.*

<sup>1</sup> Imuac bec, nini imi ninzéhṅ ninzéhṅ niṅac solaṅa zénénécmiyec, imuac niṅac Miṅ Kewunina Yesu Kristoac muru héima Anutuguc luae mihicṅiyiṅac kecziṅ.

<sup>2</sup> Imuacnec iwacmuru héima ninzéhṅ ninzéhṅ ninanéṅ Anutuac ewa hiayaiguc keremma imuac qeriaiguc namma Anutuac edamuyawac mambéc kecma zézé ségiségi wamma kecziṅ.

<sup>3</sup> Imi sac qahac, neṅaṅ imi zéra béraiguc kecma imuhucyanec zézé ségiségi waṅanziṅ. Imuac hénia imi zérabéranéhṅ bisiqatéhṅ wamma kekec,



<sup>4</sup> bisiqatén wamma kekecnén haka eeyaguc, wañu haka eeyagucnén niñkumuma kekec imi mi-hicñianzac imi nini nindacziñ imuac mia imuhuc wañanzñi.

<sup>5</sup> Wañu Uña Téréya neñañ buñawac nénécmiyec inén Anutuac goi héihéi neñañ ewa qerini-naiguc qocgé nénécmiyecac nénécmianzac. Imuac niñac niñkumu ninanén gamu ménda mihicñi nénécmimac.

<sup>6</sup> Imi mia neñañ kuc mama météqététañ kerñiñ nalé imuaru Kristonén naléya wañu késpedesic ic neñañ niñac wamma humuyec.

<sup>7</sup> Ic solaña méñac niñac wamma humu humu-mia imi osiosiya. Wañu ic hiabia méñac niñac méñnéñ hia efima humumac me qahac niñ éréhéc wañzua.

<sup>8</sup> Néñ neñañ késpedesic ic kerñiñ imuaru Kristonén neñañ niñac wamma humuyec. Wañu haka im-inéñnec mia Anutunén eñeya goi héihéiya neñañ muru mewinini nénécmiyec.

<sup>9</sup> Wañu neñañ deguc iwac sacyanén meso-lañi nénécmimia wanzac. Wañu iminéñnec sac qahac, inén kecma Anutuac qeri geric igucnec nénépésidacmac.

<sup>10</sup> Imi mia hazéchéra wamma kerñiñ nalé imuaru nañawac humucyaiguc Anutuguc ewa momac mihicñi nénécmiyec. Imuac niñac iwac kekec hémbénañaguc imi, séc méñ ogicma mehiaru nénécmimac.

<sup>11</sup> Iminéñnec sac qahac, ala kekec deguc mi-hicñi nénécmiyec neñañ Miñ Kewunina Kristo Yesu iwac niñac wamma Anutuac qeriaiguc zézé ségiségi wañanzñi.

*Adam zéma Yesu.*

<sup>12</sup> Imuac bec ic momacgucac niḡac kápésicnén baeciguc haréyec. Haréyu kápésic imuac niḡac mia humucnén haréyec. Waḡu ic embac moczoḡ yandanén imuhucyanec kápésic wandacgic humucnén ionac muru hadarec.

<sup>13</sup> Kápésic imi hénac ac ménda heyec imuaru baeciguc bec heyec. Nén hénac ac ménda hezac imuaru imi kápésic imi ménda olombiḡac séc.

<sup>14</sup> Waḡu Adam imi ménḡ hamacac heyec iwac asé wanḡac. Imuac niḡac Adamwac nalé igucnec éréma Moseac nalé imuac suraiguc imi, Adamnén kápésic waḡec kápésic imuhucya ménda waḡcic ionacmuru imuhucyanec humucnén ic kewu waḡ énécmiyec.

<sup>15</sup> Nén ic momacgucac kápésic niḡac ic embac sasala humugic, waḡu imuhucyanec Anutuac ewa hia zéma ic momacguc Kristo Yesuac ewa hia niḡac sese énécmiyu ic embac sasala sécgé énécmiyec. Imuac niḡac sese imi kápésic imuac sécya qahac.

<sup>16</sup> Waḡu ic momacgucac kápésic waḡec idacminén sese imuac séc qahac. Ic momacgucac kápésic niḡac kápésicac zégésigésinén haréyec. Waḡu Anutunén ewa hia niḡac kápésic sasala imi ménda olomma solanḡ dindiḡa zénénécmiyec.

<sup>17</sup> Ic momacgucac acqeqe niḡac humucnén ic momacgucac inénec ic kewu waḡ énécmiyec. Waḡu ewa hia zéma solanḡ dindiḡawac buḡa kuaya qeqeya mezu ienenḡ imi momacguc Kristo Yesunénec kekec hélawac qeriaiguc eḡaocnec ic kewu wamma kecmu.

<sup>18</sup> Imuac ic momacgucac acqeqe niḡac ic embac moczoḡ k p s c g naguc z  n cmimia waḡec. Waḡu imuhucyanec haka solana momacguc niḡac ic embac moczoḡ solana z  n cmimia waḡu kekec h laiguc kereḡdacgic.

<sup>19</sup> Ic momacgucac acqeqe niḡac ic embac sasalan ḡ k p s c ic waḡgic  s cnec ic momacgucac niḡtohotoho niḡac ic embac sasalan ḡ ic solana wammucac hezac.

<sup>20</sup> K p s c meyandimanḡ z  h na acn ḡ har yec. Waḡu k p s c toroqegeya imuaru ewa hian ḡ muḡguc yanda s cg   n cmizac.

<sup>21</sup> Imi mia k p s cn ḡ humuc qeriaiguc ic kewu waḡec  s cnec ewa hia imi acguc solanḡ dindiḡa niḡac ic kewu wanzac. Waḡu ewa hia imin ḡ Miḡ Kewunina Kristo Yesu in ḡnec kekec h mb nanḡa igucgeḡ nonagicma keremmacac hezac.

## 6

### *K p s cac muru humuma Kristoac muru kecbiḡ.*

<sup>1</sup> Imuac n mac ac dimuhuc z wiḡ? Ewa hia toroqegeya mihicḡiwiḡ z  biria wammanec kecbiḡ?

<sup>2</sup> Imuhuc wambiḡac s c qahac! Neḡanḡ biriwac muru humudariḡ, imuac dimuhuciguc biria qeriaiguc muḡguc yanda nammanec kecbiḡ?

<sup>3</sup> Yesu Kristoac muru toroqema doku naeriḡ imi iwac humuciguc momacnec toroqema naeriḡ wanzac. Waḡu h nia imi m nda niḡasarizu?

<sup>4</sup> Maḡgocn ḡ edamuya mewininima Kristo imi humuc ic ionac sugina igucnec meqelimiye

ésécnec neňaň acguc kekec qeliawac qeriaiguc tima kembij niňac humucac qeriaiguc kereň kereňawac doku naec haka wanni i guc momacnec téngé nénécmimia waňec.

<sup>5</sup> Neňaň imi iwac humucya méndacma toroqegeya wamma kecbijiguc, iwac yacyaciguc imuhucyanec toroqegeya wambijac hezac.

<sup>6</sup> Waňu késpedesac buňa séwinina imi humuyec. Imuac niňac muňguc biriawac welen qeçe ménda wammiwiň niňac neňaň hakanina wahala imi i guc momacnec ic héňgeňa wéndaraiguc qeni humuyec imuhuc zéma ninziň.

<sup>7</sup> Imi mia méňnéň méň humuyec imi késpedes igucnec hulacmima solaña zémimia wanzac hénia imuac mia.

<sup>8</sup> Kristoguc humuyiňiguc imi i guc momacnec kecbijac hezac imi ninzéhéziň.

<sup>9</sup> Imi mia Kristonéň humuc ic ionac sugina igucnec yarec imuac niňac muňguc ménda humumac. Waňu humucnéň galeň muňguc ménda wammimac imi niňasariziň imuac mia.

<sup>10</sup> Humuyec imi biriawac muru hatac momacguc sac humuyu tecgéyec. Deguc kekec keczac imi Anutuac muru keczac.

<sup>11</sup> Imuhucyanec, ini acguc eňaň niňac niňgic biriawac muru humugic, néň Anutuac muru imi Kristo Yesuac qeriaiguc keczij tanec wammac.

<sup>12</sup> Imuac niňac, késpedesac qeçetali wammigic, késpedes eňeyaoc séwigina houmacac hezac imuac ic kewu ménda wammimac. Waňu séwiac siň ménda niňtohomu.

<sup>13</sup> Waňu onac séwi taségina méňac méň tewi zakonj ac qeçe wawaňa ésécnec biriawac buňa

ménda qemimu. Wañu enañac ninjic humuc igucnec qelima yacyawac buña wañu Anutuac muru haiamuma séwi taségina imi moczoñ solañ dindiñawac tewi zakoñ ésécnec haiamumu.

<sup>14</sup> Ini imi héna acac méra bawaiguc ménda keczu, néñ ewa hiawac méra bawu keczu imuac niñac késpedesicnéñ mañgoc ménda wañ énécmimacac hezac.

*Haka solañ dindiñawac welen  
qeqe icya.*

<sup>15</sup> Imuac bec dimuhuc wambiñ? Nini héna acac méra bawu ménda kecma ewa hiawac méra bawu kecziñ zéma késpedesic wambiñ? Imuhuc ménda hicñimac!

<sup>16</sup> Ini mérac ménj welen qemima niñtohoanzuiguc, niñtoho wammianzu iwac welen qeqehéra wanzu imi ini ménda ninzu? Tosara imi késpedesicac welen qeqehéra wamma humuciguc kereñanzu. Wañu tosara imi niñ tohotohowac welen qeqehéra wamma solañ dindiñaiguc kereñanzu.

<sup>17</sup> Imuac Anutu ewa hia ac ézému. Imi mia ini héni hénia igucnec késpedesicac welen qeqehéra kecgic, néñ pakeñ ac énézégic imuac nanaña imi ewa qeriginanéñ niñtohogic.

<sup>18</sup> Késpedesic igucnec hulac énécmimia wamma solañ dindiñawac welen qeqehéra wañjic hénia imuac mia.

<sup>19</sup> Ini séwígina mété qététanjiguc kecanzu imuac niñ ni ic neñañ murugeñ séc héima zéwa niñjic; Becnec ini imi séwiginawac tasia imi haka biria zéma héna ac logilogi imuac haim-ima héna ac logilogi imuaru kereñjic. Wañu

deguc imi imuhucyanec séwiginawac tasia imi solañ dindiñawac welen qeçe buña qema kekec téréyaiguc keremmu.

<sup>20</sup> Ini késpedesac welen qeçehéra kecgic nalé imuaru solañ dindiña igucnec hulac amuma ewa éréhéc ménda wamma kecañgic.

<sup>21</sup> Wañu nalé imuaru ini imi kekecac héla gocmia dimuhucya mihicñiangic? Wañu deguc imi, imuac tetcgia imi humuc zéma niñasarima haka imuhucyawac gamugina ninzu.

<sup>22</sup> Wañu deguc ini késpedesgina igucnec hulac énécmimia wanzu. Imuhuc wamma Anutuac welen qeçehéra wamma kekec téréya imuaru kereñ kereñawac héla gocmia mihicñianzu. Wañu imuac tetcgiaiguc imi kekec hémbénañanéh mambéc keczac.

<sup>23</sup> Késpedesac tasia imi humuc. Wañu Anutuac ewa hiawac ai buña imi kekec hémbénaña. Kekec seli imi mia Miñ Kewunina Yesu Kristoac qeriguc he nénécmizac.

## 7

### *Uña téréyawac héna qeliaiguc kekerá.*

<sup>1</sup> Alahécna, héna ac ninzu onac qesi énécmizua, ini imi héna acnéñ kekecginaguc keczu ionac sac mançoc wañ énécmianzac imi ménda ninzu?

<sup>2</sup> Embac euyaguc imi euya kekecyaguc kecanzac nalé imuac sura igucnec sac héna acnéñ dérécgé mianzac. Wañu euya humuyu eu iniñac héna ac igucnec hulacmimia wañanzac.

<sup>3</sup> Imuac bec, euya kerunec ic méñ memaciguc imi embac kaiseroya zémimia wammac. Néñ

euya humumaciguc imi imuac héna ac igucnec hulacmimia wammac. Wañu ic méñ memac imi embac kaiseroya ménda wammac.

<sup>4</sup> Imuac, alahécna, ini acguc Kristoac séwiguc toroqema héna acac muru unuhumumia wanzu. Imi mia méñ humuc igucnec qelima yarec iwac muru kemma neñañ Anutuac niñac wamma héla gocmia mihicñiwñ niñac imuhuc wañ nénécmiyec.

<sup>5</sup> Neñañ séwininaiguc kerñ imuaru imi késpedesic siñ héna acnéñ héiqeli nénécmianzac iminéñ séwininawac tasiaiguc ai meyu neñañ imi héla gocmia humucac buña mihicñiaññ.

<sup>6</sup> Deguc neñañ imi qaténénécmiyec imuac humudariñ imuac niñac héna ac igucnec hulac nénécmimia wanzac, imuac niñac neñañ héna ac ooyawac haka wahalanéñnec qahac, néñ uñawac haka qelianéñnec welen qewiñ.

*Késpedesic kuhanéñ méramma nénépésianzac.*

<sup>7</sup> Imuac dimuhuc zéwiñ? Héna ac iminéñ késpedesic me? Qahac! Ic enia wambacnec imi késpedesic imi ménda niñacgéwinec. Héna acnéñ hémbaoc ménda wanna imuhuc ménda zéwacnec imi hémbaocac hénia ménda nimbinec.

<sup>8</sup> Wañu késpedesicnéñ naléya mihicñima héna acnéñnec ewa qerinaiguc hémbaoc hénia hénia mihicñi néñec. Hénia imi yomuhuc; Ic enia wañu késpedesic acguc humu humumia wanzac.

<sup>9</sup> Becnec héna ac ménda niñtegiri nalé imuaru imi neñ kekecnaguc kerñ. Wañu héna acnéñ haréyu késpedesicnanéñ qelima yaru ni humuyi.

<sup>10-11</sup> Képésicnéj naléya mihicjima héna acnéjnec ni manam batuc wañ némma héna ac iminéj mia ni nuhumuyec imuac niñac. Héna ac imi kekecac buña, néj neñ hémba melemma humucac buña tanec wañec.

<sup>12</sup> Imuac héna ac imi hélacnec téréya wanzac. Zézépañ ac imi acguc téréya, solañ dindiña, zéma hiabia.

<sup>13</sup> Imuhuc wañu iwawai hiabianéj melemma nuacmuru humucac buña wañec me? Imuhuc wammacac séc qahac! Imi mia késpedesicna hémba késpedesic tanec wammac niñac iwawai hiabia iminéj ni nuhumuyec. Imi mia késpedesicac nimba késpedesic réwéria tanec wammac niñac héna acnéj ai meanzac.

<sup>14</sup> Héna ac imi téréya imi nini nindacziñ. Wañu ni imi séwias siñ niñac wamma kecba késpedesicnéj boñña meyu imuac welenj gemianzua.

<sup>15</sup> Hénia imi yomuhuc; Qeri uñananéj wañ nénzac imi ménda wamma haka tosara sureanzua imuac mia wañanzua imuac niñac haka wañanzua imuac hénia imi nenaoc ménda niñasarizua.

<sup>16</sup> Ni ménda wammañ zé wañ nénzac imuac wammañiguc ewa siñ iminéj héna ac imi hiabia wanzac imuac héipuc wanzac.

<sup>17</sup> Wañu deguc haka wawaña imi ni nenaoc qahac, néj késpedesic ewa qerinaiguc heanzac iminéj mia wañanzac.

<sup>18</sup> Nuac qerina me nuac séwinaiguc\* iwawai hiabia méj ménda henénzac imi ni ninzua. Haka

---

\* **7:18:** Séwinawac siñiguc.



hiabia wammaṅ zé siṅna henénzac, néṅ wawaṅ memenaiguc imi ménda waṅanzua.

<sup>19</sup> Haka hiabia wammaṅac qerinanéṅ waṅ nénzac imi mia ménda wamma haka biria ménda wammaṅac ninzua imuac mia waṅanzua.

<sup>20</sup> Haka ménṅac ménṅ neṅ ménda wammaṅ zé niṅanzua imi wammaṅiguc, imi mia nenaoc qahac, néṅ biria qerinaiguc nanzac iminéṅ mia waṅanzac.

<sup>21</sup> Imuac ni kekecac hénia ménṅ yomuhuc niṅtegiczua; Haka hiabia wammaṅ zé siṅna henénzac ni imuhucya qerinaiguc birianéṅ momacnec henénzac.

<sup>22</sup> Nuac qeri uṅananéṅ Anutuac hénia ac imuac ségiségi wanzua.

<sup>23</sup> Nuac séwi taséna qeriaiguc siṅ ménṅnéṅ henémma nuac ewa qerinawac hénia ac imiguc euma ni nuagicma séwi tasénawac qeriaiguc siṅ hezac imuac hésa ic nopocanzac.

<sup>24</sup> Oo yéwérinaguc, séwina humucac buṅa imuacnec mérénéṅ metecgé némmac?

<sup>25</sup> Ni Miṅ Kewunina Yesu Kristo iwac muru héhélima Anutu ewa hia ac wammimaṅ.

Imuac mia ni ewa qerinanéṅ Anutuac hénia ac welenṅ qema séwinanéṅ biriawac hénia ac welenṅ qeanzua.

## 8

*Séwias siṅnéṅ humuciguc, Uṅawac siṅnéṅ kekec hémbénaṅaiguc onagicma kenzac.*

1 Imuac bec ic embac Kristo Yesuac qeriguc kecanzu ionac muru imi kápésic ginaguc zéénécimimia imi ménda hezac.

2 Héna imi yomuhuc; Yesu Kristoac qeriaiguc kekecac Uŋa imuac héna ac kezcac iminéŋ mia humucac kápésic imuac héna ac igucnec ni hulac néŋec,\*

3 imuacnec Kucnina mamaya waŋu iwawai héna acnéŋ séwininaguc wammacac séc qahac imi Anutunéŋ waŋec. Inéŋ mia kápésicnina niŋac eŋeya Naŋa méliyu séwinina kápésicyaguc imuhucyanec hicŋiyec. Hicŋiyu zétecgéyu kápésicnina imi séwiyaiguc eŋec.

4 Imi mia séwiac siŋ qahac néŋ Uŋawac siŋ méndacma kecanziŋ neŋaŋ muru héna ac imi mesolaŋanimanŋ zé imuhuc waŋ nénécmiyec.

5 Séwiac siŋ méndacanzu ieneŋ séwiac ai niŋac niŋkumanzu, néŋ Uŋawac siŋ méndacanzu imi eneŋ Uŋawac ai niŋac niŋkumuanzu.

6 Waŋu séwiac niŋkumuma kekec imi humuc, waŋu uŋawac niŋ kumuma kekec imi kekec zéma luae.

7 Némac niŋ, séwiac niŋkumu imi Anutuac hazéc waŋanzac. Imi mia Anutuac héna ac imiguc ewa momac ménda waŋanzaoc, waŋu imuhuc wammaocac séc qahac.

8 Séwiac siŋiguc kecanzu imi eneŋ Anutu ségiségi mihicŋi mimuac séc qahac.

9 Néŋ ewa qeriginaiguc Anutuac Uŋanéŋ kezcaciguc ieneŋ séwiac siŋiguc ménda kecma uŋawac siŋiguc kecanzu. Méŋnéŋ méŋ Kristoac

---

\* **8:2:** Girik ac zéma Kiwi tosaraiguc; Hulacgéŋec.

Uŋaguc ménda keczaciguc Kristoac ic qahac.

<sup>10</sup> Waŋu Kristonéh ewa qeriginaiguc keczaciguc kápésic niŋac séwiginanéh humumia wanzac, néh uŋaginanéh solañ dindiŋa niŋac kekecyaguc wanzac.

<sup>11</sup> Yesu humuc ic ionac sugina igucnec meqeliyec iwac Uŋanéh ewa qeriginaiguc keczaciguc, Kristo Yesu humuc ic ionac sugina igucnec meqelimiyec inéh mia Uŋa Téréya ewa qeriginaiguc keczac iminéŋnec humucac buŋa séwagina imi acguc meqeli énécmimac.

<sup>12</sup> Imuac niŋac dacmuna hécna neŋaŋ imi taséninaguc, waŋu tasénina imi séwigucac zéma séwiac siŋ méndacma kecbiŋac ménda hezac.

<sup>13</sup> Ini séwiac siŋ méndacma kecmuiguc, kilenŋ humumu, néh Uŋaguc séwiac wawaŋ meme imi qehumumuiguc, kekecguc kecmuac hezac.

<sup>14</sup> Anutuac Uŋanéh qindiŋi énécmiyu kecanzu imi eneŋ Anutuac naŋhéra wanzu.

<sup>15</sup> Ini imi welenŋ qeŋeac uŋa zénéŋ hirihiri wawaŋa imi ménda késa keczu, néh naŋa éséc kekerawac uŋa énécmiyu keczu. Imuac niŋac iwac mia Aba† maŋgoc zéma qacanzu.

<sup>16</sup> Uŋa Téréya eŋeyaoc, qeri uŋaninaguc, nini Anutuac nambérac kecziŋ imuac héipuc waŋ nénécmianzac.

<sup>17</sup> Nambérac héra kecziŋiguc imi mératéc meme ic wanziŋ. Imi mia méŋac qahac, néh Anutuac mératéc ic, Kristoguc momacnec mératéc ic wambiŋac hezac. Imuac niŋac i guc momacnec edamuninaguc wambiŋ zé zérabéra imi acguc i

---

† 8:15: Aram aciguc Maŋgoc.

guc momacnec mihicņiwiņac hezac.

*Kecma edamuninaguc  
wambiņac hezac.*

<sup>18</sup> Zérabéra deguc mihicņianziņ imuac nimba efefia wanzac. Waņu iminéņ kecma edamu hicņi nénécmimac imuac sécyā ménda wanzac.

<sup>19</sup> Anutunéņ zéyu hicņidacgic moczoņ yanda iminéņ Anutuac nambérac héra hicņimu niņac ewa ewa wamma mambéc keczu.

<sup>20</sup> Hénia imi yomuhuc; Zéyu hicņidacgic momac yanda imi, iwawai héra qahac imuac welen gema keczu. Waņu imi mia eņaņ siņgina qahac, néņ Maņgoc waņénéc énécmia iwac ewa siņ méndacma imuhuc hicņi énécmizac;

<sup>21</sup> Zéyu hicņima kekec imi acguc iwawai houhouyawac welen gema kekec imuacnec hulac énécmiyu Anutuac nambérac héra ionac kekec edamuyaguc imuac toroqema qutuma kecmu.

<sup>22</sup> Iwawai zéyu hicņima keczu imi moczoņ yanda momacnec yaiwisisiņ wamma merac memeiguc qenzeņ qeanzu ésécnec wamma érékecma deguc, imi neņaņ nindacziņ.

<sup>23</sup> Imi sac qahac, Uņa téréyawac héra gocmia walac walac hicņihicņiya‡ aņgéņ tima kecziņ neņaņ imuhucyanec ewa qerininanéņ yaiwisisiņ wamma naņawac séc nénépésima séwinina boņ héré menénécmimac niņ mambéc kecziņ.

<sup>24</sup> Neņaņ imi qerininanéņ mambéc wamma kecma aņgéņ titi mihicņiyiņ. Waņu kicninanéņ hémbiņac séc imuac ménda mambéc

---

‡ **8:23:** Hénia imi Kristo Yesu.

kecanziŋ. Méréneŋ kiwaiguc hemizac imuac mambéc wammac?

<sup>25</sup> Waŋu neŋaŋ iwawai ménda hénziŋ imuac mambéc wanziŋiguc qeri bénzéŋiguc mambéc wambiŋ.

<sup>26</sup> Imuhuyanec Uŋa imi acguc kuc mama ni-naiguc méra nénécmianzac. Neŋaŋ némac acnéŋ dimuhuc zéwelec wannu sécgémac imi ménda ninziŋ, néŋ Uŋa eŋeyaoc neŋaŋ niŋac wamma acnéŋ zéwiŋ zé osiosiya imuac séciguc yaiwisiŋ wamma zéwelecanzac.

<sup>27</sup> Waŋu Uŋanéŋ Anutuac ewa siŋ hezac séc méndacma ic embac téréya ionac zéwelecanzac. Imuac niŋ qeri héhéŋ miŋina Anutunéŋ Uŋawac niŋiŋ imi bec nindaczac.

<sup>28</sup> Neŋaŋ ninziŋ ésécnec, Anutunéŋ ewa siŋ heyec séc unuruyec. Waŋu goi héihéi wammianzu ionac muru imi iwawai moczoŋ yandanéŋ qenaŋgé amuma iwawai hiabia mihicŋi énécmianzac.

<sup>29</sup> Anutunéŋ eŋeya Naŋa imi dacmuna sasala suginaiguc walacgina wammac niŋac, becarunec niŋénécmiyec imi eneŋ eŋeya Naŋa ésécnec kecmu niŋac walac gési énécmiyec.

<sup>30</sup> Waŋu walac gési énécmiyec imi unuruyec. Waŋu unuruyec imi onac solaŋ dindiŋa zéénécmiyec. Waŋu solaŋ dindiŋa zéénécmiyec imi meyac énécmiyu edamuginaguc waŋgic.

*Anutuac goi héihéi Kristoguc hicŋitegirec.*

<sup>31</sup> Waŋu neŋaŋ haka imuac dimuhuc zéwiŋ? Anutunéŋ nonac wamma keczaciguc méréneŋ hia hazéc waŋ nénécmimac?

<sup>32</sup> Eņeya Naņa imi ménda aņgėņ tima momac yanda neņaņ niņaç wamma wai nénécmiyec inėņ dimuhuc iwawai tosara moczoņ yanda imi i guç momacnec ewa hiawac ménda nénécmimac me?

<sup>33</sup> Solaņ dindiņa zėyec imi Anutu mia, waņu méréneņ Anutuac gėsi énécmimia imi aciguc hia onopocmuac séc?

<sup>34</sup> Méréneņ kėpėsicninaguc zėma hia zėteçgé nénécmimacac séc? Yesu Kristo inėņ mia nonac niņ humuyec. Waņu humuyec sac qahac neņ muņguc qelima yarec. Yacma ou emma Anutuac méra héiyaiguc kecma nonac niņ héipuc wamma zėwelec waņanzac.

<sup>35</sup> Méréneņ Kristoac goi héihéiya igucnec hia elicgé nénécmimacac séc? Manambatuc me, qenzeņ manzeņ me, nununesi me, béti me, séwi usu qahac kekec me, zėrabėra me, sou?

<sup>36</sup> Kiwi mén yomuhuc ooyawac hezac; Nini guac niņ wamma kaiwe herec humumia nunuhéi wanzu. Waņu nonac niņgic rama unuheric wawaņawac buņa tanec waņec.

<sup>37</sup> Waņu neņaņ imi réwėri imuhuya me imuhucyaiguc kecma goi héihéi waņ nénécmianzaciguc séc mén ogicqogic waņanzin.

<sup>38</sup> Imuac ni yomuhuc niņseli nénéņa wanzac; Humucnéņ me, kekecnėņ me, kua meme uņa eneņ me, héngaleņ miņina eneņ§ me, iwawai imuhucya deguc heheyanėņ me, biaņ hicņi hicņiyanėņ me, kucginaguc ménneņ mén me,

<sup>39</sup> Iwawai ounec mamayanėņ me emunec éré éreyaneņ me, tosara ménneņ mén moczoņ Miņ

---

§ 8:38: Kiwi tosaraiguc uņa biria.

Kewunina Yesu Kristo iwac qeriaiguc Anutuac goi héihéi hezac goi héihéi imuacnec mia elicgé nénécmimacac séc qahac.

## 9

### *Anutuac ewa siñ téréya.*

<sup>1</sup> Ni Kristoac qeriaiguc ac héla zézua, néñ ac ikoc ménda zézua. Nuac ewa solañanéñ Uña téréyawac qeriaiguc héipuc wannémma yomuhuc zéauzac;

<sup>2</sup> Nuac muru ewa biric yanda henénzac. Wañu ewa qerinaiguc qenzen manzen ménda misi misiyanéñ hezac.

<sup>3</sup> Ni nena séwiñawac dacmuna hécna, sac kitichéna ionac niñac wamma saecgé nénéña wamma Kristoac murunec hia qetecgé nénéña wambacnec séc zéma zéweleri.

<sup>4</sup> Ieneñ mia Israel ic. Wañu Anutuac nanhérawac buña zéma eebipi zéma zikiziki ac ooya zéma héna ac énécmimia zéma mepé qepési ai buña zéma sisipac acginaguc.

<sup>5</sup> Yanda hécnina imi acguc ionac buña, wañu baecac séwiiguc imi Kristonéñ ionac murunec hicñiyec. Wañu Kristo imi mia iwawai moczon yanda imi onogicma ou keczac. Wañu Kristo imi nalé tetcgia qahac mepé qepési wammiwiñac hezac Anutu imi mia, hélacnec!

<sup>6</sup> Wañu Anutuac ackuazéc imi sigima mazac tanec ménda wanzac. Israel ionac murunec hicñihicñiya imi Israel ic héla ménda wandacgic.

<sup>7</sup> Wañu Abarahamac qelihéra imi acguc qelihéra héla ménda wandacgic, néñ Isakawac murunec

hicñihicñiya sac qelihécga zé énécmimia wammac zéyec.

<sup>8</sup> Imi mia séwiguc qelihéranéñ Anutuac nambérac héra qahac, néñ zikiziki acac nambérac héranéñ héla gocmia zéma niñénécmiyec.

<sup>9</sup> Wañu zikiziki ac imi mia yomuhuc; Yawuñ oumuac nalé imuhucyanec muñguc hamañ, wañu Saranéñ nañaguc wammac.

<sup>10</sup> Wañu imi sac qahac, Rebeka imi yandanina Isaka momacguc iwac murunec hériyaguc wañec.

<sup>11</sup> (Wañu Anutuac ewa siñ iminéñ wawañ meme igucnec qahac, néñ ic ménac mén niñgésima ururumac ionac muru sac seligimac niñac hezac. Wañu hénia imi zéaumañ zé

<sup>12</sup> nañ héréra ménda mihicñi érécmiyu haka hia me biria mén ménda wañocnec) Rebeka yomuhuc ézéyec; Kuneñ néñ komora welen qemimac.

<sup>13</sup> Imi mia kiwi mén yomuhuc ooyawac hezac séc hicñiyec; Yakop siñ nimmima Esau héñara mezua.

<sup>14</sup> Imuac neñañ dimuhuc zéwiñ? Anutuaru késpedes hezac me? Qahac téñgén!

<sup>15</sup> Inéñ Mose yomuhuc ézéyec; Ménac mén ewa biric nimmañ iwac mia ewa biric wammi-mañ. Wañu ménac mén wéséna wanzac iwac mia wéséna nimmimañ.

<sup>16</sup> Imuac niñac imi mia ic ménac ewa siñ igucnec qahac, wañu ic ménac seliseli igucnec qahac, ewa biric miñina Anutuac murunec haanzac.

<sup>17</sup> Ac mén Faraoac zéyec imi kiwiiguc yomuhuc ooyawac hezac; Ni guac muru nuac kucna



mewininima nuac qacna baera baera zéau énécmimañ niñac gi meyacgénzua.

<sup>18</sup> Imuac Anutunéñ ewa siña méndacma méñac imi ewa biric wammima méñac imi ewa seli mihicñi mianzac.

*Anutuac qeri biric zéma goi héihéi.*

<sup>19</sup> Wañu ac bakia yomuhuc nézévésémañ gezañ; Imuhuc wañu Anutunéñ némac niñac késpedesicninawac hochoc ai mekeczac me? Méréñéñ iwac ewa siñ qetalimacac séc?

<sup>20</sup> O baec ic, gi méréñéñ Anutuac ac bakia melenzañ? Iwawai méñéñ miñina mihicñi miyec iwac zéma Némac niñac ni yomuhuc mihicñi nénec? imuhuc hia zémac me?

<sup>21</sup> Miñ Kewuc nomuñ memenéñ qakéñ dac momacguc iminéñnec kewuc éréhéc memañ zéma, méñ ai eeyagucac buña wañu méñ ai biriawac buña wammac zéma eñeya siña méndacma hia ménda memac me?

<sup>22</sup> Anutunéñ qeri biric wañ énécmima eñeya kuha mewininí énécmiyu héñtegitmu niñac kewuc qeri biricac buña, mebiri énécmimiawac zéréñ qéréñ wandac wandara imi nalé horua gum bénzénzén wañ énécmimac iguc dimuhuc zéwiñ?

<sup>23</sup> Wañu kewuc méñ walac memézézén wandac wandara imi wagicma wéséniniñ wammima ai eeyaguc méñac buña qemima kekec edamuyaguc kuaya qeqeya imi énézéyu hémmu niñac imuhuc wañeciguc dimuhuc zéwiñ?

24 Neñañ imi Yuda ic me ic enia ionac suggina igucnec héihéré nénécmimia kewuc nomuñ imi mia.

25 Hoseawac kiwiiguc acguc yomuhuc zézac; Ni nuac ic embac qahac ionac mia nuac ic embachéna zéénécmimañ. Wañu ic embac ménda siññiñ énécmiyi imi onac ic embac sorochéna zéénécmimañ.

26 Wañu ic embac tosara nuac ic embac héna qahac zéénécmimia ionac baec igucnecnéñ, Anutu kekecyaguc iwac nambérac héra zé énécmimia wammu imuhuc zéyec séc hicñi nénécmizac.

27 Wañu Yesaianéñ Israel ic onac niñac yomuhuc qacma zéyec; Israelac qelihéra ieneñ konduñ giñgiñawac sakasac ésécnec sasala wammu, néñ bakia wai énécmimia imi onac sac kekec hémbénaña mihicñi énécmimac.

28 Hénia imi yomuhuc; Miñ Kewunéñ baeciguc ackuazéc imi focdac meselimaguc aiya metecgémac.

29 Yesaianéñ walac yomuhuc zéyec éséc; Wañu Miñ Kewu pupunda ginanéñ sucnina igucnec wariha méñ ménda wai nénécmiwacnec nini imi Sodom zéma Gomora ésécnec birima qahac wambiñnec.

*Israel ieneñ ewa éréhéc wamma ménda ninzénjigic.*

30 Imuac bec néma ac zéwiñ? Ic enia ieneñ kekec solañawac ménda nesima kenjic ieneñ mia kekec solaña mihicñigic. Imi mia solañ dindiña ninzén ninzén igucnec.

<sup>31</sup> Wañu kekec solañawac héna ac nesima keñgic Israel ic ieneñ imi héna ac imuaru keñ bipigic.

<sup>32</sup> Imi némac niñ? Imi mia ieneñ ninzén ninzéniguc ménda héima namma wawañ memeiguc héima nañgic. Wañu imuac niñac mia ieneñ qonzonton gégéyawac hociguc qonzon tonégic.

<sup>33</sup> Kiwi mén yomuhuc ooyawac hezac; Héngic neñ qonzon tonégéyawac hoc zéma maunu unyawac baña mén Zion amaiguc haiwa hemac. Wañu ménén mén i ninzéné mimaciguc gamu mamasuñ ménda wammac.

## 10

<sup>1</sup> Dacmuna hécna, ewa siña zéma zéwelec welecna imi Israel ic ionac niñac wamma añgén tiéncmimac niñac Anutuac muru haianzua.

<sup>2</sup> (2a) Ni yomuhuc héipuc ac wanzua;

<sup>3</sup> Ieneñ imi Anutuac solañ dindiña imi ménda niñasarima eñañ solañ dindiña imi meyacgéwiñ zé ai yanda mema Anutuac solañ dindiña imuac méra bawu ménda kecgic. (2b) Imuac niñac, ieneñ imi Anutuac wamma seliseli wañgic, néñ ninñ solañaiguc ménda héima nañgic.

<sup>4</sup> Kristo imi ninzén ninzén ic moczon yanda solañ dindiña mihicñi énécmimañ zé héna acwac tetecgia wanzac.

<sup>5</sup> Mosenén yomuhuc oyecac hezac; Haka solaña héna ac igucnec hahaya wañanzu imi eneñ solañ dindiña imuacnec héima kecmu.

<sup>6</sup> Wañu solañ dindiña ninzéh ninzéh igucnec hahayanéh yomuhuc zézac; Geñga ewa qerigaiguc méréneh kurumeniguc emmac imuhuc ménda zéwésémañ. Imuhuc zéna niñni méréneh kurumen igucnec Kristo hia wagicma mamac zézan tanec wammac.

<sup>7</sup> Me méréneh humumia ionac baec dumuñaiguc hia hiñgacmac ménda zéwésémañ. Imuhuc zéna niñni méréneh Kristo humuc ic sugcina igucnec hia wagicma éremac zézan tanec wammac.

<sup>8</sup> Imuhuc qahac, néñ dimuhuc zézac? Ac kuazéc imi kuagaiguc zéma qerigaiguc hosucgu hezac zézac. Imi mia ninzéh ninzéhac ackuazéc zéauanzin imuac mia imuhuc zézac.

<sup>9</sup> Guac kuaganéh Yesu imi Miñ Kewu keczac zéma zéauma Anutunéh i humuc ic ionac sugcina igucnec meqelimiyc imi ewa qeriganéh ninzéh géwésémañ iguc gi imi añgéh tigéhgeña wammac.

<sup>10</sup> Ic méné imi, ewa qerianéh ninzéhgeña solañ dindiñaiguc kereñanzac. Wañu kuayanéh zéauma añgéh titiiguc kereñanzac.

<sup>11</sup> Kiwi téréyanéh yomuhuc zézac éséc; I ninzéhge mimac ionarunec méñac méné gamu qequeiguc méndagucnec opocopora wammac.

<sup>12</sup> Miñ Kewu momacgucnéñ ic embac momac yanda kewu wañ énécmima i héihéré migic séc sécgé énécmianzac, imuac niñac Yuda ic zéma Girik ic sécnina imi ekac ekac qahac.

<sup>13</sup> Imuac niñac méñnéñ méné Miñ Kewuac qara qacmac imi añgeña timimac.

<sup>14</sup> Wañu dimuhuc méñac méné ménda ninzéhge mianzu iwac mia hia qac hérému? Dimuhuc

ménac mén surucya ménda nimma ninzénge mimu? Wañu ménéné ménda zéauénécmiyu dimuhuc nimmu?

<sup>15</sup> Ménda méli énécmimia wañu dimuhuc kemma ackuazéc zéau énécmimu? Kiwi mén yomuhuc ooyawac hezac; Buña suruc hiabia kisamma hazu ionac hena tawégina imi hiabia soroc!

<sup>16</sup> Wañu Isirael ic imi buña suruc hiabia ménda nin̄tohodacgic. Imuac mia Yesaianén yomuhuc zéyec; Miñ Kewuna méréné ackuazécnina imi ninzéngegic?

<sup>17</sup> Hénia imuac niñac ninzén ninzén imi ackuazéc niñanzin̄ imuacnec haanzac. Wañu ackuazéc imi Yesuac buña suruc hiabia imuacnec haanzac.

<sup>18</sup> Wañu zéwa niñgic; Ienen̄ imi ackuazéc mén ménda niñgic me? Imi qahacgucnec! Kiwi mén yomuhuc ooyawac hezac; Ewa héténgina imi baec séc kereñdarec. Wañu ackuazécgina imi baec tetcgiaiguc kereñdarec.

<sup>19</sup> Wañu neñ yomuhuc qesi énécmizua; Israel ic ienen̄ ménda niñasarizu me? Mosenén yomuhuc zéyec; Ni henaorin̄ hécna qahac imi énépésima Yuda ic ini nimbupuc mihicñi énécmiman̄. Wañu ic embac tosara niñtegic qin̄tegicgina qahac imi énépésima qeri biricgina mihicñi énécmiman̄.

<sup>20</sup> Wañu Yesaianén porina qahac Anutuac kuaya mema yomuhuc zéyec; Nuac niñ hohoc ai ménda mean̄gic ienen̄ imi ni mihicñi néngic. Wañu zéqesi ménda wañ néñangic ionac muru hicñi énécmiyi.

<sup>21</sup> Wañu Israel ionac niñac yomuhuc zéyec;

acna ménda ninthoma acqege wañanzu ionac mia kaiwe herec mérana terere énécmianzua.

## 11

### *Israel ic sasalanéñ ewa seli wañgic.*

<sup>1</sup> Imuac neñ muñguc yomuhuc qesi énécmizua; Imuhuc wañu Anutunéñ ic embachéra nesi nénécmiyu moczoñ séñgañgeñ kendacziñ me? Qahacgucnec! Ni acguc Israel ic, Abarahamac qeli, Benzaminac hicñisai igucnec.

<sup>2</sup> Anutunéñ ic embachéra walac niñnécmiyec imi héñacnina ménda meyec. Kiwi téréyaiguc Eliawac niñ yomuhuc zézac imi ini ménda ninzu me? Elianéñ Israel ic embac aciguc onopocma Anutu yomuhuc zéwelerec;

<sup>3</sup> Miñ Kewu, ieneñ guac kua meme ichécga unuhumudacgic. Wañu guac zaki téréyaga imi qetecgégic madarec. Wañu ni sac wainéñgic keczuawac deguc ni acguc nuhumuwiñ zé hochoc ai mema keczu.

<sup>4</sup> Imuhuc zéyu Anutunéñ ara dimuhuc melen miyec? Neñ ic embac hécna tosara baniara Baalac muru simiñ ménda héimianzu 7,000 nena buña wai énécmiwa keczu.

<sup>5</sup> Imuhucnec nalé yomuac acguc Anutunéñ ewa hiawac tosara wai énécmiyu iwac buña keczunec.

<sup>6</sup> Ewa hia niñac imuhuc hicñi nénécmizaciguc, wawañ memenina niñac imuhuc hicñi nénécmizac zéwiñac séc qahac. Imuhuc zéwiñac séc wambacnec ewa hia iminéñ ewa hia héla ménda wambacnec.

7 Waņu dimuhuc niņac? Iwawai Israel ieneņ hochoc ai megic imi ménda mihicņigic, néņ gési énécmimia ieneņ sac imi mihicņigic. Waņu tosara wai énécmimia ieneņ imi ewa seli wandacgic.

8 Imi mia Anutunéņ ionac muru imi ewa soho zéma kic hilic zéma gezac héhéņ mihicņi énécmiyecac érékecma deguc wanžac. Ac imuhuc ooyawac hezac séc imuhuc hicņizac.

9 Waņu Dawidinéņ yomuhuc zéyec; Nene dokuginawac karocyanéņ leletuc zéma simba zéma iwawai qonzon tonģé énécmianžac ésécnec wamma kitiwa meleņ énécmimac.

10 Waņu kicgina siņi déņģéyu ménda hima hémmuac séc waņu, gemacgina imi hémbénaņa milicgédacmac.

*Oliwa ic hélaiguc haséņ oliwawac hawa lagula mema toroqeņeņa waņec.*

11 Zéwa niņgic, ac imuhuc heyu bec, Ieneņ mama unumac niņac qonzon tonģégic me? Imi qahac! Aņģéņ titiac buņanéņ ic enia ionac muru kereņdaruguc Israel ic embac ieneņ nimbupuc nimmu niņac wai énécmiyu késpedesic waņgic.

12 Késpedesic wawaņ ginanéņ melemma baera baera ic embac ionac mériaņ waņu, maqeqe ginanéņ ic enia mériaņ imuhuc mihicņi énécmizaciguc, howiacnec kuaya qeņeņa ginanéņ mériaņ dimuhucya mihicņi énécmimac!

13 Ni ic enia onac niņ zézua. Ni ic enia onac méliméli ic wamma kecma, ai imuac nimba ee-bipiyaguc waņanzac.

14 Imi mia ai imi mema sac taséhéna nimbupuc mihicji énécmima suggina igucnec dahecac séc mehiaru énécmimanj zé wanzua.

15 Nesi énécmiyu kenkenja iminéj baec ic tosara Anutuguc ala kekec mihicji énécmizaciguc, muṅguc énéc énépésianéj iwawai tosara qahac, néj humuc igucnec kekec imi mihicji énécmimac?

16 Gocmia walac waziyu megic iminéj téréya waṅu saméj iminéjnec ooya imi acguc téréya wanzac. Waṅu zalia imi téréya wanzaciguc, imuac hawaya hawaya imi imuhucyanec moczonj téréya wanzu.

17 Waṅu imuac hawa tosara hézénj hézénjgia waṅu gi hasénac oliwa néj ionac sugginaiguc toroqe géngénja waṅecac oliwa héla imuac zalia igucnec doku halécya héréma kecanzanj.

18 Imuac hawa walaha tosia imi onogicma séwi enenj ménda wambésémanj. Imuhuc wambésémanjiguc, hénia yomuhuc niṅyacgévésémanj; Geṅ oliwa zalia ménda méra mima nanzanj, néj oliwa zalianéj gi méra gémma nanzac.

19 Duṅa yomuhuc zéwanj niṅac; Imi mia ni imuaru toroqe némmac niṅac hawa tosia imi hézénj hézénjgia waṅec.

20 Imi hélacnec. Ienenj imi ménda ninzénjgégic hézénjgé énécmiyec. Waṅu geṅ imi ninzénjgéma namma kecanzanj. Imuac niṅac séwi enenj ménda wamma néwéciguc bac yandi yandi wamma kecbésémanj.

21 Anutunéj oliwa eneya hawahéra téngénj ménda wai énécmiyu kecgiciguc, gi acguc hia



ménda waigénu kecbésémaᅇac hezac.

<sup>22</sup> Imuac bec Anutuac goi héihéiya zéma qeri gericya imi héᅇ tegicbésémaᅇ. Mama unuyec ionac imi gericya mihicᅇi énécmiyec, néᅇ guac muru imi goi héihéi waᅇgéᅇec. Imuac mia gi imi ménda misimanec goi héihéiya qeriaiguc kecbésémaᅇ. Qahac waᅇu, gi acguc qericgémmac.

<sup>23</sup> Ieneᅇ acguc ninzéh ninzéh qahac kekec imuaru kegcic ménda horugimaciguc, Anutuac muru toroᅇ énécmimacac kuha hemizac imuac niᅇac muᅇguc toroᅇ énécmimac.

<sup>24</sup> Gi haséᅇac oliwa ura igucnec qericgéᅇgéᅇa waᅇec. Waᅇu ama oliwa héwiᅇa titiya imuac uraiguc toroᅇ géᅇgéᅇa waᅇec. Waᅇu oliwa hawa téᅇgéᅇ imi ieneᅇ, eᅇaᅇ oliwa ic neᅇgocginawac muru séc dimuhuc onogicma toroᅇ énécmimia wammac?

*Yuda ic imi kecma ackuazéc qeriaiguc kereᅇdacmu.*

<sup>25</sup> Ala hécna, ini séwi eᅇeᅇ ménda wammu niᅇac ac saᅇa youmi ini ménda nimmu niᅇac ménda wanzua. Ac saᅇa imi yomuhuc; Ic enia ionac qétégina niᅇu heyec séc harédacmu nalé imuac séc Israel ic ionac suggina igucnec tosara imi ewa seli wamma kecmu.

<sup>26</sup> Waᅇu imuhuc mia Israel ic embac moczoᅇ aᅇgéᅇgina tiénécmimia wammac. Kiwi ménᅇ yomuhuc ooyawac hezac; Aᅇgéᅇ titi icnéᅇ Zion igucnec hama Yakopac qelihéra ionac murunec Anutu eeya ménda héimianzu imi metecgé énécmimac.

27 Neŋ ionac k p siccina au n cmimaŋ nal  imuaru ionac muru nuac sisipac ac yomuhuc h laguc wamma.

28 Buŋa suruc hiabiaiguc imi ieneŋ onac niŋac wamma Anutuac haz ch ra waŋic, n ŋ g si  n cmimia imuac aiiguc imi ionac yanda h cgina niŋac wamma ionac goigina h i n cmiyec.

29 Anutuac ewa hiawac sese z ma h ih r   n c  n cmiaiguc imi ewa  r h c m ŋ m nda hemizac.

30 Ini bec nec imi Anutuac muru acqeqe wamma kecgic. Waŋu deguc imi Israel ionac acqeqe niŋac wamma goi h ih i waŋ  n cmiyu keczu.

31 Imuac ieneŋ imuhucyanec deguc Anutuac goi h ih i onac muru hezac  s cnec goi h ih i waŋ  n cmimac niŋac deguc ac qequeiguc keczu.

32 Imi mia Anutun ŋ ic moczoŋ yanda w s  niniŋ waŋ  n cmimaŋ z  ac qequetaliiguc onopocma qat   n cmiyec.

### *Anutuac goi h ih i.*

33 Yei Anutuac niŋtegic qin tegic z ma niniŋa imi qeyu hiŋac hiŋara. Iwac niŋg sig si ai imi niŋtegicbiŋac s c qahac! Waŋu h na tianzac imi m ndacmiwiŋac s c qahac.

34 M r n ŋ Miŋ Kewuac ewa qeria imi ninzac? M r n ŋ iwac z mindiŋi icya keczac?

35 M r n ŋ walac Anutu iwawai m ŋ miyecac kitiwa hia melen mimiwac s c? Imi osiosiya.

36 Imi mia iwawai moczoŋ imi miŋ kewu iwac murunec z ma in ŋnec hicŋjima iwac muru liliŋg ma keŋanzac imuac mia. Qac buŋayan ŋ iwac muru hehe seli hema emma hemac! H lacnec!

# 12

## *Séwininanéŋ Anutuac ocmuŋ téreyá wammac.*

<sup>1</sup> Imuac bec, dacmuna hécna, Anutuac wésé niniŋiguc zéseli énécmizua; Eŋaŋ séwigina imi mulumananŋ téreyá kekecyaguc waŋu Anutunéŋ hémma ségiségi wammacac séc héimimu. Iminéŋ mia qeri uŋaginawac mepé qepési héla wammac.

<sup>2</sup> Ini imi baec yomuac nananŋ imuhucya ménda méndacmu, néŋ waigic Anutunéŋ ewa qerigina héiqelima meqeli énécmiyu Anutuac ewa siŋ hi-  
abia, eeyaguc, zéma solanŋa imi niŋtegiomu.

<sup>3</sup> Anutunéŋ sese néŋec imuac séciguc sugginaiguc icya icya keczu onac mia yomuhuc énézézua; Zénimmuac séc hezac héna imi ogicma niniŋ tosara ménda dongéma zénimmu, néŋ Anutunéŋ icya icya ninzéŋ ninzéŋ méndéŋ énécmiyec imuac séciguc niŋtegioc qinŋtegioc wamma zénimmu.

<sup>4</sup> Neŋaŋ imi séwi momacguc imuaru séwi taséhéra sasala késama kecziŋ. Waŋu séwi taséhéra imi moczoŋ ai buŋa séc momacgucnec ménda késakeczi.

<sup>5</sup> Imuhucyanec Kristoac qeriaiguc neŋaŋ sasala, néŋ séwi momacgucac taséhéranec wamma kecanziŋ.

<sup>6</sup> Waŋu ewa hiaya méndacma ewa hiawac ai buŋa nénécmiyec imi eŋac eŋac. Imuac niŋac bianŋac ara zézé imuac ai késazaciguc imi ninzéŋ ninzéŋawac séhaiguc,

7 Waņu welen qeqe ai késazac imi welen qeqe aiiguc, ackuazéc imuac kiwi ic ai késazaciguc imi kiwi ic aiiguc,

8 meme seli ai késazac imi meme seli aiiguc, haley haihai ai késazaciguc imi haihulac yandayaguc, galey ai késazaciguc mézétiti qahaciguc, waņu wésé ninij waņ énécmianzu imi eney ségiségi wamma memu.

*Goi héihéiac haka.*

9 Goi héihéigina imi ikocya qahac kecma haka biriawac surema haka hiabiaiguc qékétama kecmu.

10 Ala siñiguc solañanec siñgina niñamuma walac eegina héiamumu.

11 Mézétiti qahac seliseli wamma qeri uñagina ewa siñinaguc Miñ Kewu welen qemimu.

12 Mambéc keckeciguc ségiségi wammu. Waņu zéra béraiguc imi nañselima kecmu. Waņu nalé séc seliseli wamma zéwelec ai memu.

13 Ic embac téréya ienen iwawai ménac mén hocgic amunec qamunec wañamuma heheñgañgina qegic yandima kemma ic enia ionac acguc keñ sécgé énécmimac.

14 Unu nesi waņ énécmigic mozocgé énécmima ménda saecgé énécmimu.

15 Ségiségi wanzu iniguc ségiségi wammu. Ewa biric wanzu iniguc ewa biric wammu.

16 Eñawu ewa momac wamma nanañ eñeñaguc ewa qerigina ménda niñkumumu, néñ nanañ mamayaiguc kecmu.\* Waņu eñacnec niñtegic qinñtegic ic ésécnec ménda meen amumu.

---

\* **12:16:** Welen qeqeac ai hia memañ zé niñkumuma.

17 Ménéac mén haka biria wañ énécmigic haka birianéñ tasé kuku ménda wammu. Wañu ic embac ionac kicginaiguc haka hiabia wamma kecmu.

18 Ini niñgic eñaoc wammuc séc wañu, ic embac moczoñ yanda iniguc luae qema kecmu.

19 Ala sorochéna ini eñaoc hazécgina tasé kuku ménda wañ énécmimu, néñ Miñ Kewuac qeri biriawac buña zéma haigic hemac. Kiwi mén yomuhuc ooyawac heyu imuhuc zézua; Hazéc ionac kitiwa melen melen ai imi nuaru hezac imuac nenaoc melen énécmimañ, Miñ Kewunéñ zézac.

20 Wañu néwécgeñaiguc guac hazécganéñ yaka niñ humuyu nene gumuwésémañ. Wañu doku niñ humuyu doku mina nemac. Imuhuc wamma gi imi iwac oruhaiguc lokoc bélañaguc tocgéna emmac.

21 Birianéñ ménda gogicmac, néñ haka hiabia wamma haka biria imi tidagéna mamac.

## 13

### *Baec galen ionac ac niñtoho wammu.*

1 Icyá icyá imi galen hécgina ionac méra bacginu kecmu. Héña imi yomuhuc, galen ai buña méñnéñ mén Anutunéñ ménda niñunec mén ménda hicñima hezac. Wañu galen moczoñ yanda imi Anutunéñ kumu énécmiyecac keczu.

2 Imuac niñac galen buña ionac acgina qeçe imi Anutuac zézé seliawac ac qeçe wanzac. Wañu imuhuc acgina logianzu imi eñaocnec késpedesic imuac tasia mihicñimu.

<sup>3</sup> Galen ic imi haka hiabia wambin zéni bac yandi yandi ménda wañ nénécmianzu, néñ haka biria wambin zéni imuhuc wañ nénécmianzu. Imuac gi imi ic ménj kuhaguc iwac niñ bac yandi yandi ménda wammañ zé ninzaniguc haka hiabia wamma kecbésémañ. Imuhuc wanna mepési géngéña wammac.

<sup>4</sup> Ic galeñ ménj imi Anutuac welen qeçeya kecma guac muru kecec hiabia mihicñi gémmañ zé keczac. Wañu gi haka biria wañanzaniguc iwac mia bac yandi yandi wambésémañ. Inéñ sou qaruc imi enñdac ménda késa keczac. Imi mia Anutuac welen qeçe icya kecma ménnéñ haka biria wañu Anutuac qeri gericyawac welen qema késpedesyawac kitiwa melen mianzac.

<sup>5</sup> Hénia imuac niñac méra bacginu kecmuac hezac. Imi mia Anutuac qeri geric imuac niñac sac qahac, néñ ewa qerigina solaña imuac niñac momacnec imuhuc wammuac hezac.

<sup>6</sup> Ieneñ imi Anutuac welen qeçe ichéra kecma nalé séc ai mema welen qeénécmianzu. Hénia imuac niñac ini takis acguc haimuac hezac.

<sup>7</sup> Imuac takis hénia hénia énécmimuac hezac imi moczoñ énécmimu. Takis niñac zégic takis énécmimu. Bac yandiyandi wañ énécmimuac hezac ionac imi bac yandi yandi wañ énécmimu. Eegina héi énécmimuac hezac ionac imi eegina héiéncmimu.

*Ala wañamuma qerinéñ goihéihéi wañamumu.*

<sup>8</sup> Ic ménjac ménj taséginaguc ménda wammu, néñ siñ niñamuma kecec imuac sac niñgic taségina wammac. Ménnéñ ic tosara goigina

héianzaciguc ic imi mia héna ac moczoŋ méndacdaczac.

<sup>9</sup> Kaisero ménda wammu. Ic ménda unuhumu. Kowu ménda nemu. Héipuc ac zéwiŋ zé ac ikoc ménda wammu. Hémbaoc ménda wammu. Waŋu héna ac tosara hezac, néŋ héna ac moczoŋ imi geŋga goiga héiamuanzaŋ imuac séciguc alagawac goiya héimiwésémaŋ ac imuac qeriaiguc hedaczac.

<sup>10</sup> Goi héihéinéŋ alayawac haka biria ménda wammac. Hénia imuac niŋac goi héihéi momacgucnéŋ héna ac moczoŋ wandac wandara wanzac.

### *Haka dimuhuc waŋamuma kecbiŋ?*

<sup>11</sup> Waŋu nalé yomuac tanera bec niŋtegicma hakagina yomuhuc wamma kecmu. Kicga hima gau igucnec yacbésémaŋ imuac naléya imi bec hazac. Némac niŋ, walac ninzéŋgéma mambéc waŋiŋ éséc qahac, néŋ imi ogicma deguc aŋgéŋ titinina imi hosucgé nénécmizac.

<sup>12</sup> Siŋi imi keŋ keru bec ama gianimaŋ zé wanzac. Imuac niŋac neŋaŋ siŋi tunumaŋac wawaŋ meme aténdacma edamuyawac bunda maleku héini hiŋgacmac.

<sup>13</sup> Kaiweac séciguc wawaŋ meme ee héihéiyaguc qindiŋi amuma kecbiŋ. Kaižiliweŋ zéma doku seliguc ewa soho qahac, kaisero zéma séwiac siŋiguc qahac, waŋu euqeqe zéma nimbupuciguc qahac,

<sup>14</sup> néŋ maleku éséc Miŋ Kewu Yesu Kristo héiamuma kecmu. Waŋu séwiginawac siŋ niŋac

wamma séwiac ai\* imi ménda niḡarenḡému.

## 14

*Ninzén ninzén selia zéma ninzén ninzén bébélacḡia.*

<sup>1</sup> Mérénén mén ninzén ninzénḡa kuha mamaya kecma niḡ éréhéç waḡu zésure ménda wammimu.

<sup>2</sup> Mén imi iwawai moczoḡ efima nemacac séc ninzén ninzén selia késa keczac, nén mén imi ninzén ninzénḡa bébélacḡia imuac zuazua sac neanzac.

<sup>3</sup> Nene imuac me imuac efima neanzac inén nene tosara ménda neanzac iwac niḡu mamaya ménda wammac. Waḡu nene tosara ménda neanzac imi acḡuc nene imuac me imuac efima neanzac i késpedesyaguc ménda zémimac.

<sup>4</sup> Gi mérénén ic ménḡac weleḡ qeḡeya niḡésima keczan? Nanan selia me maḡeḡeya imi moczoḡ eḡeya miḡinanén niḡu hezac. Miḡ Kewuninanén hia meselimiḡu nammacac séc. Imuac i imi Anutunén naḡéyu hia naḡselimac.

<sup>5</sup> Ic ménén ai meme ménḡac niḡu tosara onogicma téréya waḡanzac. Waḡu ic ménén niḡu ai meme moczoḡ séçgina momacḡuc waḡanzac. Imuac waigic ic eḡac eḡac niḡiḡinaiguc niḡselima zému.

<sup>6</sup> Ai meme ménḡac niḡu téréya wanzac imi mia Miḡ Kewuac niḡac wamma imuhuc eeya héimianzac. Waḡu iwawai ménḡac mén efima neanzac imi acḡuc Miḡ Kewuac niḡac wamma

---

\* **13:14:** Késpedes ac siḡniḡ.



imuhuc waŋaŋzac. Waŋu iwawai méŋac méŋ niŋgésima ménda neanzac imi acguc Miŋ Kewuac niŋac wamma imuhuc wamma Anutu ewa hia ac ézéanzac.

<sup>7</sup> Neŋaŋ murunec méŋnéŋ méŋ eŋeya niŋac ménda kecanzac. Waŋu méŋnéŋ méŋ eŋeya niŋac ménda humuanzac.

<sup>8</sup> Kecbiŋiguc Miŋ Kewuninawac niŋac kecbiŋ. Waŋu humuwiŋiguc imuhucyanec Miŋ Kewuninawac niŋac humuwiŋ. Imuac Kecbiŋiguc me humuwiŋiguc séc nini Miŋ Kewuac buŋa wanziŋ.

<sup>9</sup> Héŋia imuac mia Kristonéŋ humumia zéma kekecginaguc momacnec Miŋ Kewu waŋ énécmimaŋ zéma humumaguc muŋguc qelima yarec.

<sup>10</sup> Waŋu neŋaŋ moczoŋ Kristoac gésigési tatac imuac wésiaiguc nambiŋac hezac. Imuac gi némac niŋac dacga me munaga gésimianzaŋ? Waŋu némac niŋac dacga me munaga mematiti wammianzaŋ?

<sup>11</sup> Imuac mia kiwi méŋ yomuhuc ooyawac hezac; Miŋ Kewu zézacnéŋ; Ni hélacnec keczua, imuac simiŋgina séc simiŋ héinéndacmu. Waŋu ezelaŋgina séc Anutuac muru zéhicŋima mepésimimu.

<sup>12</sup> Imuac neŋaŋ murunec icya icya Anutuac muru eŋeya aiya meyec séc zéhicŋi mimacac hezac.

<sup>13</sup> Imuac bec neŋaocnec ménda zégési waŋamuwiŋ. Néŋ dacga me munagawac muru qonzontonŋ gégéyawac baŋa me manam batucac iwawai méŋ ménda haimiwésémaŋ.

<sup>14</sup> Ni Miŋ Kewu Yesuac qeriaiguc niŋasarima

ninzéngéanzua imi mia yomuhuc; Iwawai méhénéj ménj\* zapi qequeyaguc ménda wanzac, néj iwawai méhac niñu zapi qeanzac iwacnec sac iminéj zapi qequeyaguc wanzac.

<sup>15</sup> Nene gi neanzañ imuac niñac dacga me mu-naganéj niñ yéwérizaciguc gi imi goi héihéiiguc ménda wanzañ wanzac. Kristonéj alagawac niñac wamma humuyec, imuac gi nene niñac wamma ménda mebiri miwésémañ.

<sup>16</sup> Imuac ini galen megic haka hiabiagina imuac niñac wamma qegetali ac zéénécmiwu niñac.

<sup>17</sup> Anutuac héngalen ama areña yanda imi nene doku nezéléléjiguc ménda hezac, néj Uña téréyawac qeriaiguc solañ dindiña zéma luae zéma ségiségi wamma kekec iminéj mia hezac.

<sup>18</sup> Némac niñ, haka imuhuc wamma Kristo welen qemizac imi Anutunéj angéj timimacac séc wanzac. Wañu baec ic ienen acguc imuac niñgic sécgémac.

<sup>19</sup> Imuac bec neñañ luaeac buña zéma meme seli ai imuac mia nesima kembin.

<sup>20</sup> Nene niñac wamma Anutuac ai imi ménda hézéj géwésémañ. Nene moczoñ yanda imi hi-abia. Wañu ic méhénéj nene ménj alaya ménda neanzac imi kiwaiguc nema meyéwéri mimac imi hiabia qahac.

<sup>21</sup> Wañu yañ beric, wain selia, me iwawai tosara ménda nema alaga qonzontongé mimia ménj ménda wambésémañ iminéj haka hiabia soroc wanzac.

<sup>22</sup> Imuac ninzéj ninzénga imi Anutuac ki-

---

\* **14:14:** Nene hénia hénia.

waiguc geŋga muru késa kecbésémaŋ. Ic ménġnġ haka ménġ wammaŋ zé hiabia zéma ninzġngéma wammaguc eŋeya haka imuac ménda zégési amumaciguc zézé ségiségyaguc wanzac.

<sup>23</sup> Ewa éréhéc wamma neanzaciguc imi, ninzġnġ ninzġnġ igucnec qahac imuac niŋac késpedescyaguc zémimia wanzac. Wawaŋ meme ninzġnġ ninzġnġ igucnec ménda hahaya imi moczoŋ késpedescyaguc wanzac.

## 15

*Yesuac séciguc wamma neŋaŋ ewanec ménda kecbiŋ.*

<sup>1</sup> Kucninaguc nini imi tosara kucgina mamaya ionac qeka meka hakagina imi bisiqatġnġ waŋ énécmima kecbiŋ, néŋ neŋacnec ségiségyi ménda mihicŋi amuwġnġ.

<sup>2</sup> Neŋac neŋac imi haka hiabiawac alahécnina meyac énécmiwġnġ zé ségiségyi mihicŋi énécmiwġnġ.

<sup>3</sup> Kristo acguc eŋeya ewa hia niŋac ménda waŋamuyec. Kiwi yomuhuc ooyawac hezac; zébiru qébiru waŋgéŋgic ionac zébiru qébirinġnġ nuac qacnaiguc mazac.

<sup>4</sup> Ac kuazéc becneŋ ogic imi neŋaŋ pakeŋ ac wammac niŋac ogic. Imi mia neŋaŋ gum bénzénzġnġguc bisu qatġnġ wamma kecni kiwi téréya iminġnġ nanġgé nénécmiyu kic hihi wamma kecbiŋ niŋac imuhuc ogic.

<sup>5</sup> Deguc gum bénzénzġnġ zéma qeri efiefi miŋina Anutunġnġ waŋ énécmiyu ini Kristo Yesuac séc méndacma eŋawu ewa momac wammu niŋac imuhuc waŋ énécmiyec.

<sup>6</sup> Imuac mia ewa qeri momacguc zéma kuagina momacnec Anutu Miñ Kewunina, Miñ Kewu Yesuac Mañgocya mepé qepési wammimu niñac imuhuc wañ énécmiyec.

*Buñá suruc hiabia imi Yuda ic zéma ic enia momac yanda neñañ buña.*

<sup>7</sup> Imuac niñac Kristonéñ neñañ nénépésima Anutu mepésimiyec ésécnec ini acguc épésiamumu.

<sup>8</sup> Énézéwa niñgic; Kristonéñ Anutuac ac héla niñac wamma séwi tasé hericheric haka imuac welen qeque ic wañec. Imi mia sisipac ac yandagina ionac wañ énécmiyec imi meselimañ zé imuhuc wañec.

<sup>9</sup> Imi mia ic enia ieneñ wésé niniña niñac wamma Anutu mepésimimu niñac imuhuc wañec. Imuac mia kiwi ooya mén yomuhuc hezac; Imuac bec ni baera baera ic embac ionac sugginaiguc Miñ Kewu gi ewa hia ac gézéma qacga mepésima legic héigémman.

<sup>10</sup> Wañu muñguc yomuhuc ooyawac hezac; Baera baera ic embac hénia hénia ini imi, Miñ Kewuac ic embachéra iniguc ségiségi wammu.

<sup>11</sup> Wañu muñguc yomuhuc zézac; Baera baera moczoñ Miñ Kewu mepési mimu, baera baera ic embachéra ini legic héimimu.

<sup>12</sup> Wañu Yesaianéñ yomuhuc zézac; Yesiac zali ménéñ baera baera ic embac galengé énécmiman zé qérawia qema yacmac. Yaru baera baera ic embac ieneñ iwac muru kic hihi wammu.

<sup>13</sup> Niñkumunina Anutunéñ ségiségi hénia hénia zéma luae imi ninzén ninzén ginaiguc kuaya

qeƣeya tiénécmiyu Uŋa téréyawac kuhanéŋ niŋkumugina mesécgé énécmiyu qesalecɡémac niŋ wanzua.

*Pauloac ai buŋa.*

<sup>14</sup> Ala hécna, ini haka hiabia zéma niniŋginanéŋ sécgé énécmiyu meseli amuma kecanzu imi ni niŋzéŋgé énécmizua.

<sup>15</sup> Waŋu ini imuac muŋguc niŋqelimu niŋac Anutunéŋ sese néhec imuaru héhélima porin qahac ac yomi oénécmizua.

<sup>16</sup> Waŋu neŋ baera baera ic embac ionac niŋac wamma Kristo Yesuac ai ic wamma Anutuac buŋa suruc hiabia imuac hofac oo ai ic wamma baera baera ic embac imi iwawai Anutuac haimimia ésécnec onopocba Uŋa Téréya qeriaiguc météré énécmimia waŋu Anutunéŋ énépésimac niŋac ewa hiawac ai buŋa imi qenéhec.

<sup>17</sup> Imuac ni Kristo Yesuac qeriaiguc Anutuac ai imuac nimba ni imi eebipinaguc wanzua.

<sup>18</sup> Ni iwawai tosara niŋac ménda zémaŋ, néŋ ac yomuac sac porinŋa qahac zéwa niŋgic; Yesu Kristonéŋ baera baera ic embac welen qeénécmiwa niŋtoho wammu niŋac ni népésiyu acna zéma wawaŋ memena zéma

<sup>19</sup> asé kiwi kuhaguc zéma haka welicwelicia zéma Anutuac Uŋa téréyawac kuhaiguc ai meyi. Imuhuc wamma Yerusalemnec Ilurikon ama areŋa yanda séc buŋa suruc hiabia imi zéau énécmiyi.

<sup>20</sup> Waŋu ai ic méŋac ai qambaŋaiguc ai mema nambiac zéma osima bec Kristoac qara qacma

keczu baec imuaru imi buŋa suruc ménda zéau énécmimaŋ zéma niŋseliyi.

<sup>21</sup> Kiwi méŋ yomuhuc ooyawac hezac; Ic embac tosara Miŋ Kewuninawac buŋa suruc ménda énézégic niŋgic imi eneŋ hémmu. Waŋu ménda niŋgic imi eneŋ niŋasarimu.

<sup>22</sup> Hénia imuac niŋac mia onac muru hamaŋ zé waŋanzua. Waŋu hatac sasala hézicgé nénéŋa waŋec.

*Paulonéŋ Roma ama areŋa yanda ogicma Spein ama yandaiguc kemmaŋ zé keŋec.*

<sup>23</sup> Waŋu deguc imi yomuaru ai memeyawac ama baec méŋ ménda hezac. Waŋu yawuŋ sasala érékecma deguc ini inicmaŋ zé siŋna henéŋecac henénzac.

<sup>24</sup> Spein baeciguc kemmaŋ zé kemma onac baec ogicma kemmaŋ nalé imuaru inicba niguc tacgic sécgénéŋu duŋa eneŋ mia méra némma baec imuaru méli némmu niŋac waŋanzua.

<sup>25</sup> Waŋu deguc imi Anutuac ic embac téréya welenŋ qeénécmimaŋ zé Yerusalem kenzua.

<sup>26</sup> Imi mia Makedonia zéma Akaia ic embac ieneŋ ic embac téréya Yerusalem keczu ionac sugina igucnec ic maqeqeya ionac niŋac wamma ewa hiawac iwawai haigic imi mema keŋ énécmimaŋ niŋac kenzua.

<sup>27</sup> Ieneŋ imi ségiségi wamma imuhuc waŋgic néŋ taségina imuhuc melenŋ énécmimuac hezac. Baera baera ic embac imi iwawai téréya méndéŋ énécmiyu késa keczuiguc baecac iwawai mema Yuda ic welenŋ qeénécmimu iminéŋ haka dindiŋa wanzac.

<sup>28</sup> Imuac mia neŋ ai imi metecgéma héla yomi nenaoc héipuc wamma méraginaiguc haimaguc onac muru hama inicmaguc duŋa imuacnec Spein baec yandaiguc kemmanŋ.

<sup>29</sup> Neŋ onac muru hamaŋ imuaru Kristoac mozoc kuaya qeqeya mema hamaŋ imi ni ninzua.

*Enŋeya méra mima Anutu zéwelec wammimu niŋ énézéyec.*

<sup>30</sup> Ala hécna, ni Miŋ Kewunina Yesu Kristoac niŋac zéma Uŋa téréyawac ewa siŋ niŋac wamma zénaŋgé énécmizua; Niguc momacnec seliseli wamma zéwelecginaiguc nuac niŋ Anutu yomuhuc zéwelecmimu;

<sup>31</sup> Yuda baeciguc ic tosara niŋtoho ménda wamma keczu ionac méragina igucnec metecgé némmac. Waŋu Yerusalemiguc welenŋ qeénécmiwa ic embac téréya eneŋ niŋgic hia wammac.

<sup>32</sup> Waŋu Anutuac ewa siŋ heyu ségiségi wamma onac muru hama iniguc momacnec tachiarumanŋ niŋac zéwelecmu.

<sup>33</sup> Luae miŋina Anutunéŋ momac yanda iniguc kecmac. Hélaacnec!

## 16

*Pauloac yaizé ac.*

<sup>1</sup> Ni Kenkerea hénaoriŋ ionac ai embac kecanczac embac nauŋnina Foibe iwac mia héipuc wammima énézézu.

<sup>2</sup> Embac yomi mia ic embac sasala zéma ni momacnec méra nénécmianzac. Imuac mia ini imi Miŋninawac qeriaiguc haka soroc ic embac

téréya ionac waᅇ énécmimia séciguc i héihéré mimu. Waᅇu iwawai ménj niᅇac horu méra mimu.

<sup>3</sup> Waᅇu yaizézé acna Kristo Yesuac qeriaiguc nuac ai momac éréhécna Priska\* zéma Akila iorac érézému.

<sup>4</sup> Iereᅇ imi nuac niᅇac wamma kekecgira momacnec zéraiguc haiyoc. Neᅇnec qahac, néᅇ hénaoriᅇ baera baera keczu imi eneᅇ imuhucyanec iorac niᅇac ewa hia ac érézézu.

<sup>5</sup> Waᅇu yaizézé acna imi hénaoriᅇ iorac amaiguc tocgéanᅇu i momacnec énézému. Ala sorocna Epaineto yaizézé acna ézému. Ic imi mia Asia baeciguc Yesuac muru héla gocmia mérérawac hicᅇiyecac keczac.

<sup>6</sup> Onac niᅇac wamma ai kuneᅇ yanda meyec Maria iwac acguc yaizézé acna ézému.

<sup>7</sup> Nuac sac tasé éréhécna, hésa ic momac éréhécna, Androniko zéma Yunia iorac mia yaizézé acna érézému. Yesuac Méliméli ic ieneᅇ acguc qac buᅇagira ninᅇu. Waᅇu iereᅇ imi ni Yesu ménda nimmiwanec walac ninzéᅇgéma Kristoac qeriaiguc kecanzaoc.

<sup>8</sup> Waᅇu Yesuac qeriaiguc ala sorocna keczac Ampiliato iwac imuhucyanec yaizézé acna ézému.

<sup>9</sup> Waᅇu Kristoac qeriaiguc ai momacna Urbano zéma ala sorocna Sitaki iorac acguc yaizézé acna érézému.

<sup>10</sup> Waᅇu Kristoac qeriaiguc manam batuciguc naᅇseliyu ninzéᅇgé mini keczac Apele i zéma

---

\* **16:3:** Me Priskila.



Aristobulo iwac ama qeriwac areñhéra ionac mia yai zézéna énézému.

<sup>11</sup> Wañu sac kiticna Herodion yaizéze acna ézému. Wañu Narikiso ama qeriwac areñhéra ionac imuhucnec yaizéze acna énézému.

<sup>12</sup> Miñ Kewuninawac qeriaiguc ai kuney meyoc Tirifaina zéma Tirifosa iorac acguc yaizéze acna érézému. Wañu Miñ Kewuninawac qeriaiguc ai kuney yanda meyec Peasi iwac mia yaizéze acna ézému.

<sup>13</sup> Miñ Kewuninawac qeriaiguc gésimimia wañec Rufu zéma iwac neñgocyaguc yaizéze acna érézému. Iwac neñgocyanéñ ni momacnec neñgoc wañ néñec.

<sup>14</sup> Asiñkrito zéma Filegon zéma Hereme zéma Patoroba zéma Herema zéma dacmuna eñawu momacnec keczu ionac yaizéze acna énézému.

<sup>15</sup> Filologo zéma Yulia zéma Nirea zéma iwac nauña zéma Olimpa zéma ic embac téréya iniguc keczu ionac mia yaizéze acna énézému.

<sup>16</sup> Ini imi haka téréyaiguc kiricne amuma yaizéze ac wañamumu. Kristoac hénaríñ moczoñ yandanéñ yaizéze ac énézézu.

*Tiliñtiliñ ic ikora ionac bíañac ara zéyec.*

<sup>17</sup> Dacmuna hécna ni selianec zénañgé énécmizua. Pakenñ ac niñareñgégic imi héñara mema héndéñ héndéñac yaré miñicñianzu imi onac galeñ mema héñacgina memu.

<sup>18</sup> Ic embac imuhuya imi Miñnina Kristo ménda welenñ qemianzu, néñ eñañ kerac tomeñgina welenñ qeamuma ac haléc zéma ac ikoranéñ ic

embac ewa éréhéc ménda wamma kecanzu imi ikoc waŋ énécmianzu.

<sup>19</sup> Onac niŋtohotoho hakaginawac suruc buŋa imi zégic niŋanziŋ. Imuac ni onac niŋ wamma ségiségi waŋanzua. Waŋu eneŋ haka hia biaiguc imi niŋtegic qindegic ginaguc wammu, néŋ haka biriaiguc imi késpedes qahac kecmu niŋac wanzua.

<sup>20</sup> Luae miŋina Anutunéŋ Biria miŋina imi hénagina duandiaiguc oporu tizizamu. Miŋ Kewunina Kristo Yesuac ewa hianéŋ iniguc hemac.

*Pakeŋ ac tectecgia.*

<sup>21</sup> Ai momacna Timoteo zéma nuac taséhécna Lukio zéma Yason zéma Sosipata ieneŋ imi onac yaizézé ac énézézú.

<sup>22</sup> Pauloac méra mima kiwi yomi ozua ni Tetio acguc Miŋ Kewuninawac qeriaiguc onac yaizézé ac énézézua.

<sup>23</sup> Waŋu ni zéma hénaroiŋ moczoŋ ninicgaleŋ wamma keczac ama miŋina Gaio i acguc onac yaizézé ac énézézac. Waŋu ama areŋa yanda yomuac soukiwa galeŋ Erasito zéma ic muna Kuato iereŋ acguc yaizézé ac énézézaoc.

<sup>24</sup> (Miŋina Yesu Kristoac ewa hianéŋ onac muru hemac. Hélacnec!)†

<sup>25</sup> (25a) Buŋa suruc zéma Yesu Kristo zéauau imuac ai buŋana imi nalé hénihénia igucnec sanjima heyec.

<sup>26</sup> Heyu deguc imi usuya aunénécmiyec. Waŋu Anutu heheseli miŋina iwac zézé selia imi niŋtohoma kua meme ic ieneŋ kiwi onénécmiyec.

---

† **16:24:** Kiwi tosarraiguc; Kembaŋa yomi ménda hezac.

Waṅu kiwi iminéḡnec baera baera ic embac ieneḡ  
ninzéḡgéma niḡtohomu niḡac ac saḡa mewinini  
nénécmiyec. Waṅu ac saḡa imuac séciguc  
hicḡiyec buḡa suruc hiabia iminéḡ (25b) ini efe-  
fianec meseli énécmimacac séc wanzac.

<sup>27</sup> Nindac qindac Anutu iwac muru mia Yesu  
Krištoac murunec qac buḡanéḡ heheseli hema  
emma hemac. Hélaḡnec!

**SISIPAC AC QELIA**  
**The New Testament and Psalms in the Kube Language**  
**of Papua New Guinea**  
**Buk Song na Nupela Testamen long tokples Kube long**  
**Niugini**

copyright © 2012 Global Bible Translators

Language: Mongi (Kube)

Translation by: Global Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-23

---

PDF generated using Haiola and XeLaTeX on 28 Dec 2024 from source files dated 31 Aug 2023

0403b50f-078d-52e2-a203-056e8a430665